

Bádha Ngaligba Yesu Kilisito maka li Djaa aye lie ko

© 2016 Wycliffe Bible Translators, Inc.

Licence - Creative Commons CC:BY-NC-ND

Bádha Ngaligba Yesu Kilisito maka lí

Djaa

aye líe ko

Eli na kalanu

Bádha Ngali gba Yesu Kilisito maka lí Djaa aye líe ngasuno Yesu maka Eli na duduuma gba Ebhe. Eli akolo maka kpála-kuti atsia adu bhú ká ní (1:14). Maka lí bhuku ngae makpe ngapapa líe, Bádha Ngali inde aye nani lí e ngubula me okpála inde ngatatanga bhuka me Yesu ne Məkobho inde lí Ebhe abhu nani e, inde di Ndili gba Ebhe, ngubula me ka nabhuka bhú ani-e, u sia məkobho na duduuma (20:31).

U aye engú gba elə na zabhe sunda oehe bhisi me anga bhú obhuku na didili koko-o, u ye engú ango-o de, okoko atsia aye lí obili koko (8:1-11).

Djaa ngagama 'ngú naali pindji məkobho na duduuma inde lí Ebhe aha e padhá bhú Yesu. A ngakpo lita e naki inde i tsia gó pi obhende ngaziba Yesu maka kpadji, maka kuku'ngú, la di maka məkobho. Engú na ngbéngbé inde bhú Bádha Ngali gba Djaa, a ko ngubula nasuno engú inde bhú məkobho gba kpála ngubula ekpí bini ne bini, ngubula nasuno lele kuku'ngú na Bu Bhobua : maka engu, maka mapa, maka zi 'kpí, maka mɛlila gba okandele ne okandele gba e, la di maka vino ne lí e.

Ongbengbe ongú inde bhú bhuku inde-e ngae inde:

Eli na kalanu 1:1-18

Djaa bhulu nabatisa okpála, ne oməkpata gba Yesu na kalanu 1:19-51

Kulu gba Yesu bhú ká okpála 2:1 – 12:50

Oekpí nasoso gba Yesu abhu Yelusalema 13:1 – 19:42

Nazuku gba Yesu, ne nakoto ka Ngámá lí okpála 20:1-31

1

Eli inde zì 'kpí di ne mukobho

¹ Nayie lí lilita-a, Eli^a adu nani uu.

Eli ang-o adu nani bhú dabilí bini ne Ebhe.

La di-e, Eli ang-o a adu Ebhe.

² Nayie lí lilita-a, Eli ang-o adu nani bhú dabilí bini ne Ebhe.

³ Ebhe atsia abho ndu 'he hana ne Eli ang-o.

Ehe bini inde amene lie mandí aní ade.

⁴ Mukobho akoto bhú Eli ang-o.

Mukobho ang-o atsia adu zì 'kpí pí okpála.

⁵ Zì 'kpí ngaziga bilí bhú bití.

Engú la bini, bití ha angu zì 'kpí ang-o de.

⁶ Ebhe atima kpála bini. A adu 'lí kpála ang-o me Djaa . ⁷ Aní ago maka kpála nakpokpo 'ngú. Aní atsia akpokpo 'ngú mbámbá pindjí zì 'kpí-o, amba ndu okpála hana bhuka ka aní.^b ⁸ Ngaani makpe-e, aní du nani zì 'kpí de. Engú bini, aní ago nani ngú nakpokpo 'ngú pindjí zì 'kpí-o. ⁹ Zì 'kpí ang-o, a ko nani zì 'kpí na kaku. A ago píla doto, a ngaziga ndu okpála hana.

¹⁰ Eli-e adu nani píla doto. Ebhe atsia abho ndu 'he hana ne di. La-a, okpála na píla doto tsia mbíla aní de. ¹¹ Eli-e ago nani bhú ká omaha e. Engú bini, omaha aní tsia sia aní de. ¹² La-a, okpála koko asia aní, u atsia abhuka di aní. Abhom-o, aní atsia aha angu pí uo me u kolo ongisi gba Ebhe. ¹³ U kolo ongisi gba Ebhe lí kpadjí bhende maka u azuzu okpála na doto lie de. A ko la di ka gumu gba bhoko bini de. Engú bini, ayie ka Ebhe.

¹⁴ Eli-e adjí lie, atsia akolo kpála. Aní adu nani bhú ká ní. Ní au sangu gba aní,

^a1:1 *Eli*: Eli-e, a ko Yesu (tsia lukuluku 14).

^b1:7 *Okpála bhuka zì 'kpí ka aní*: Aní inde-e, a ko Djaa bhulu nabatisa okpála-o.

sangu inde aní asia e ka 'Dyi e-o. A ko sangu gba koli Ndili bini, inde abedhe ne bádha bua di ne ngbili 'ngú . ¹⁵ Djaa^d akpokpo 'ngú pindji ani mbámhá. Aní atsia asula me: «Engú nani ma apa e me: «Kpála inde ngago pita ma-a, ani ane ma mane. Padhá de, anga nani me ma nde nga ade-e, ani adu bha naae uu.» Ma apa nani engú ango-o pindji ani.» ¹⁶ Abhomu-o, bhú bádha bua gba ani inde bedhe-e, ndu ní hana ní atsia asia bádha bua pí bádha bua koko. ¹⁷ Padhá de, anga ní asia líli sa 'kpa Moidje . La-a, bádha bua di ne ngbili 'ngú-o, ní asia ka Yesu Kilisito . ¹⁸ Kpála bini u Ebhe belegu de bini. La-a, koli Ndili bini inde di Ebhe, inde ngadu de 'Dyi e-e, asuno ani pi ní ngae.

Djaa bhulu nabatisa okpála akpokpo 'ngú gba Masiya

(Tsia bhú Mat. 3:1-12, ne bhú Mlk. 1:1-8, di ne bhú Luk. 3:1-18.)

¹⁹ A inde-e engú li Djaa akpokpo e, nedhinga li ongámási gba omaYuda na Yelusalema atima odimandé di ne okpála na piga gba Levi lie agba ani-o. U atima uo ngú nayi ani me: «Mu ne da?» ²⁰ Aní yala nagie engú tété de. Aní apa mbámhá me: «Ngama-a, ma ne Masiya ade.» ²¹ U atsia ayi ani me: «Mu la ne da? Mu ne Eliya?» Djaa agie me: «Ma ne ani ade.» U ayi ani me: «Mu ne polofeta inde ya ngadjeke e?» Aní agie me: «Ma ne polofeta ade.» ²² Abhomu-o, u atsia apa pi ani me: «Mu la naamu ne da? Padhá de, anga a ayo me ya gie engú tété pi okpála inde atima ya ko. Ngamu makpe-e, mu ngapa li 'ngú gba mu-o pi?»

²³ Djaa agie me:

«Ma ne kpála inde ngatotobhila bhú 'gu me,

«Yi leke kpadji ngbingbili pi Ngámá.»»

(A bhomu-o engú inde li polofeta Isaya apa nani e-o).[†]

²⁴ Okpála inde u atima o agba Djaa, a adu nani omuFalisai . ²⁵ U ayi ani me: «Mu ne Masiya ade. Mu ne Eliya ade. Mu ne polofeta inde ya ngadjeke e ade. Mu la ngabatisa okpála ngú ni?» ²⁶ Djaa agie pi uo me: «Ngama-a, ma ngabatisa

^d1:15 *Djaa*: A ko Djaa bhende Bhulu nabatisa okpála-o.

[†]1:23 Tsia bhú Isa. 40:3.

okpála ne engu. La-a, kpála bini bhú ká yi, inde yi mbíla e de. ²⁷ Aní ngago píta ma. Ma belegu ne tetele kpála ade ngubula me ma bhulu ekrú na maløke gba aní-o.»

²⁸ Engú bhomu-o akodho 'kpí bhú kúti na Betania, ayi 'ngu na Djuludani lí bíli inde lí Djaa adu abatisa okpála lí e-o.

Yesu ne Ndili Kandøle gba Ebhe

²⁹ Lí ekrí aseke lie, Djaa au Yesu me aní nde ngago lí pápá inde aní adu lí e-o. Aní atsia apa me: «Yi tsia nga Ndili Kandøle gba Ebhe-o. Aní nga'e siti 'ngú píla doto ngae. ³⁰ Engú inde ma akpokpo e, ma akpokpo pindji aní, engú inde me: «Kpála bini ngago píta ma. La-a, aní ane ma mane. Padhá de, anga aní adu nani muma kalanu.» ³¹ Ma du ambíla aní de. Engú bini, ma ago nabatisa okpála ne engu, ngubula me Ebhe suno aní pí omafsalaele.» ³² Djaa akpokpo matá engú gba aní-e me: «Ma au Bua^e gba Ebhe-e ngayie ne abhúlá, maka bøbhe, atsia adu pí aní. ³³ Ma du ambíla aní de. Engú bini, Ebhe inde atima ma ngú nabatisa okpála ne engu-o, apa muma me: «Mo ou Bua gba Ebhe-e ngakø, i tsia dú pí kpála bini. A bhomu-o kpála inde abátisa okpála ne Bu Bhobua ko.» ³⁴ Ngama-a, ma au, ma atsia akpokpo la di 'ngú mbámhá me kpála inde-e, a ko Ndili gba Ebhe!»

Yesu a'i omukpata na gigina

³⁵ Lí ekrí aseke lie, Djaa adu ago matá oo bhú dabilí bini ne omukpata gba e bhisi. ³⁶ Nedhinga aní au Yesu lie ngakodho 'kpí-e, aní atsia apa me: «Yi tsia nga Ndili Kandøle gba Ebhe-o.» ³⁷ Lí omukpata gba aní bhisi-e adje aní lie ngapa 'ngú bhomu-o, u atsia akpata Yesu. ³⁸ Yesu adji lie. Aní au me u adu akpata ní, aní atsia ayi uo me: «Yi ngagíli ní?» U agie pí aní me: «Labi, mu ngadu su?» (Labi akunda napa me Musuno.) ³⁹ Yesu agie pí uo me: «Yi gógo amba yi u.» (A adu nani masíkpe de saa na badha píta tulukpe.) U anu, u atsia au bíli inde aní adu nadu lí e ko. Lí 'kpí ango-o, u atsia adulu ne uo bhú dabilí bini.

^e1:32 *Bua*: I du me u nde aye ne 'dhu balua na ngbéngbé-e (madjisikile), amba a ko Bu Bhobua.

⁴⁰ Andili, ndai Simo Piele, nani ne sũka omũkpata bhisi inde adje engũ li Djaa apa e-e, atsia akpata Yesu-o. ⁴¹ Andili abhaka ngaiza kalanũ hana-a ndai e makpe Simo. Anĩ atsia apa pi ani me: «Ya au Masiya au.» (A akũnda napa me Kilisito.)

⁴² Anĩ anũ ne Simo agba Yesu. Yesu atsia anĩ, ani atsia apa me: «Ngamũ-o, mũ ne Simo, ndili gba Djaa . U adũ a'i mũ me Sefasi.» (Hli ango-o akũnda napa me Piele.)

Yesu a'i Filipino

⁴³ Li ekpĩ aseke lie, Yesu akũnda nanũ bhũ ndu doto na Galilaya. Anĩ abhaka Filipino, ani atsia apa pi ani me: «Kpata ma.» ⁴⁴ (Filipo nani ne kpala na gũdhũ na Betesaida, gũdhũ inde li Andili ngauo ne Piele ayie bhũ e-o.) ⁴⁵ Pipita-a, Filipino abhaka Natanaele. Anĩ apa pi ani me: «Ya au kpala inde li Moidje aye nani engũ gba e bhũ bhuku na líli-o, li opolofeta akpokpo di nani engũ gba e-o. A ko Yesu, ndili gba Djodjefũ , kpala na gũdhũ na Nadjaleta.» ⁴⁶ Natanaele ayi ani me: «Ehe na ndjindji ti da nayie bhũ kuti na Nadjaleta uu?» Filipino agie pi ani me: «Gogo, amba mũ u.»

⁴⁷ Li Yesu au Natanaele lie ngago li pápá gba e, ani atsia apa li 'ngũ gba ani-e me: «Yi tsia nga kũkũlũ maĩsalaele inde. Pũlũ 'ngũ bhũ ani belegũ ade bini.»

⁴⁸ Natanaele ayi ani me: «Mo ombila ma lele pi?» Yesu agie pi ani me: «Ma au mũ nedhinga mo odũ lie sa ndula na figi , kala me Filipino 'i mũ-o.» ⁴⁹ Abhomũ-o, Natanaele atsia apa pi ani me: «Labi, ngamũ-o, mũ ne Ndili gba Ebhe! Mũ ne 'ngbé Ngámá gba omaĩsalaele!» ⁵⁰ Yesu apa pi ani me: «Mo obhuka, anga ma apa pi mũ me ma au mũ sa ndula na figi? Mo oú ongũ na ngbengbengbe ane bhobhomũ-o mane!» ⁵¹ Yesu atsia apa matá me: «Ma apa pi yi na paká me yi aú kokpĩ me a nde abhulu lie, oandjelu gba Ebhe-e nde nga'ũ, u nde di ngakø pí 'ndji ma, Ndili gba kpala!»

2

Anokomia na kũva bhũ kuti na Kana

¹ Abhomũ-o, pita 'kpĩ bhisi-e, anokomia na kũva adũ bhũ Kana, kuti bini na ndu

doto na Galilaya. ¹Hi Yesu adu oo. ²U atsia a'i di Yesu ne omakpata gba e bhú anokomia angoo. ³Li vino andjia lie, 'hi Yesu atsia apa pi ani me: «Vino matá ka uo ade.» ⁴Engú bini, Yesu agie pi ani me: «'Hi ma, a ka ní ne mu ne ní? Nedhinga gba ma-a kolo nga de.» ⁵Abhomu-o, 'hi ani atsia apa pi okpála na kulu-o me: «Yi mene ndu 'ngú hana inde ani apa e pi yi ko.»

⁶Ngbengbe madakpa inde u abho e li teme-e, adu oo madhia. OmaYuda vuvulu lio bhúbhú ngubula nakolo bubu kala Ebhe. Omadakpa angoo bini ne bini ti da naha litele kama bini. ⁷Yesu apa pi okpála na kulu-o me: «Yi bebedhe omadakpa bhomu-o ne engu.» Okpála na kulu-o abebedhe omadakpa ne engu bedhe bedhe. ⁸Abhomu-o, Yesu atsia apa pi uo me: «Mbia inde-e, yi sese, amba yi nu ha pi ngama na anokomia-o.» U amene bhadi moko. ⁹Li ngama na anokomia ale engu-o lie, ani au me akolo vino. Ani du ambila bili inde ayie li e de. (La-a, okpála na kulu inde asene engu-o, adu ambimbila ngao.) Abhomu-o, ani a'i 'ko el-o. ¹⁰Ani apa pi ani me: «Ndu okpála hana haha ngaiza kalanu vino na babadha. I du la me u nde andji vino bhelé andji-e, u tsia há bhende babadha ade ko. La-a, ngamu-o, mo owo vino bhende na babadha-a akolo li nedhinga inde!»

¹¹Abhomu-o gina ongú na ngangamba^f inde li Yesu amene e-o. Ani amene bhú Kana, kuti bini na ndu doto na Galilaya. Ani asuno sangu gba e-o, omakpata gba ani-e atsia abhuka ani. ¹²Pipita-a, ani anu bhú gudhu na Kapitalanauma bhú dabili bini ne 'hi e, ne ondaise e, di ne omakpata gba e-o. U mene la oo ekpi bhelé de.

Yesu atsambala okpála natsindji 'he bhú 'ngbé 'ti Ebhe gba omaYuda

(Tsia bhú Mat. 21:12-13, ne bhú Mlk. 11:15-17, di ne bhú Luk. 19:45-46.)

¹³Anokomia na Pasika gba omaYuda akolo masikpe. Abhomu-o, Yesu atsia anu bhú gudhu na Yelusalema. ¹⁴Oo, ani ali bhú 'ngbé 'ti Ebhe gba omaYuda-o. Ani

^f2:11 **Ongú na ngangamba:** Bhú Bádha Ngali gba Yesu Kilisito maka li Djaa aye lie, mo obháka ongamba 'ngú mananika inde asuno okulu gba Yesu-o. Bhú obhuku koko u aye me «Okulu», bhú okoko u aye me «Ehe inde ngasuno ehe koko, i du di-e engú koko» (sinye). Tsia bhú Dja. 4:43-54, 5:1-16, 6:1-21.

abhaka me okpála ngatsindji obagala, ne okandələ, di ne obəbhə. Aní atsia abhaka di me okpála nayipa falanga nde adu. ¹⁵ Abhomu-o, Yesu amene fimbo li kute ekpu. Aní apandja ndu uo hana bhú 'ngbé 'ti Ebhe gba omaYuda-a kilidjo, bhú dabili bini ne okandələ, di ne obagala gba o-o. Aní agu 'i dabili gba okpála nayipa falanga kuto. Aní atsia abala di falanga gba uo-o. ¹⁶ Aní atsia apa pi okpála inde adu natsindji obəbhə-o me: «Yi 'e ehe inde-e si ma'e! Yi adjí eti gba 'Dyi ma-a eti natsindji 'he de!» ¹⁷ Omakpata gba ani-e atsia abhundja engú inde u aye e bhú Bhuku gba Ebhe-e me: «Makunda inde ma nde ne e ngubula eti gba mu-o, atsulu ma maka djua!†»

¹⁸ Abhomu-o, omaYuda ayi ani me: «Mo oméne pi ya mangua ngamba 'ngú dho inde asúno me, mu ne angu namene mo-o?» ¹⁹ Yesu agie pi uo me: «Yi bhələ 'ngbé 'ti Ebhe gba omaYuda inde, sunda 'kpi bata-a, ma tsia yiki mata.» ²⁰ OmaYuda ayi ani me: «A ayo nani kalanga ndjikpa badha ne ka madhia, ngu nayiki 'ngbé 'ti Ebhe gba omaYuda inde! La ngamu-o, mu tsia yiki sunda 'kpi bata?»

²¹ Engú bini, 'ngbé 'ti Ebhe inde li Yesu adu apa 'ngú e, adu kute ani. ²² Kaka-a, li Yesu azuku lie, omakpata gba ani-e atsia abhundja engú nani ani apa e-o. Abhomu-o, u atsia abhuka engú inde u aye e bhú Bhuku gba Ebhe, di ne bhende nani li Yesu apa e ko.

Yesu mbila bua ndu okpála hana

²³ Li Yesu adu lie bhú gudhu na Yelusalema ngubula anokomia na Pasika-a, okpála bhelé au ongu na ngangamba inde ani adu amene e-o. Abhomu-o, u atsia abhuka ani. ²⁴ Engú bini, ngaani makpe, ani ziba uo de. Padhá de, anga ani adu ambila ndu uo hana ndjindji. ²⁵ Aní ne gumu nayi kpála bini li 'ngú pindji kpála-kuti ade. Padhá de, anga ngaani makpe, ani adu ambila engú inde bhú kpála

²:14 OmaYuda inde adu ayie bhú okuti koko adu ngaiza nayipa falanga gba o-o. Pipita-a, u tsia ti la da nakala enu ngu nahaha pi Ebhe di ne nadi epo na 'ngbé 'ti Ebhe gba omaYuda-o.

†2:17 Tsia bhú Ets. 69:10.

ndjindji.

3

Yesu ngauo ne Nikodemu

¹ Kpála bini adu nani bhú ká omuFalisai . A adu 'li ani me Nikodemu. Ani adu nani suka ongámási gba omaYuda . ² Ani anu abhaka Yesu sukpe, ani atsia apa pi ani me: «Musuno, ya ambila me Ebhe atima mu ngae, ngu nasuno 'ngu pi ya. Padhá de, anga kpála bini ti da namene ongamba 'ngu , maka mu ngamemene lie inde-e de, i du me Ebhe nde bhú dabili bini ne ani ade ko.» ³ Yesu agie pi ani me: «Ma apa pi mu na paká me, kpála bini ti da nau Nau gba Ebhe-e de, i du me u nde zu ani ne toto de ko.» ⁴ Nikodemu ayi ani me: «Lele pi, u ti da nazu gbé kpála lie ne toto-o? Ani ti da nagie lie bhú 'bu 'hi e, li 'hi ani tsia zú ani ne toto?» ⁵ Yesu agie pi ani me: «Ma apa pi mu na paká me, kpála bini ti da nali bhú Nau gba Ebhe-e de, i du me ani nde sia nazu li kpadji na engu di ne li kpadji na Bua de ko. ⁶ Bhende azu lie bhú kute-e, a ko kute. Bhende azu lie bhú Bhobua-a , a ko bua. ⁷ Mo ongamba de ka ma apa lie pi mu me: «A ayo me u zu ndu yi hana ne toto.» ⁸ Anvi ngape li pápá akunda nape li e. Mu ngadje gigili. Engu bini, mu mbila bili li anvi ango-o ayie li e de. Mu mbila la di pápá adji li e de. A bhadi moko pi ndu obhende hana asia nazu li kpadji na Bua.» ⁹ Abhomu-o, Nikodemu ayi Yesu me: «Engu ango-o ti da namene lie lele pi?» ¹⁰ Yesu atsia agie pi ani me: «Ngamu-o, mu ne suka ongbengbe omusuno na Isalaele. Engu la bini, mu mbila engu ango-o de! ¹¹ Ma apa pi mu na paká me: ya ngapa engu inde ya ambila e. Ya la di ngakpokpo 'ngu pindji bhende ya au e ne djila ya. Engu la bini, yi bhuka engu inde ya akpokpo e pi yi-e de. ¹² Ma ngakpokpo 'ngu pi yi pindji 'ngu na pila doto. Engu bini, yi bhuka de. I du la me, ma nde akpokpo 'ngu pi yi pindji 'ngu na abhúla-a, yi tsia bhuka? ¹³ Padhá de, anga kpála bini ade inde akolo nga abhúla, bha bini ngama, Ndili gba kpála inde ayie oo-o!

¹⁴ Maka li Moidje a'e'e nani kulu kpulu lie li ndula abhu 'gu-o, a ayo bhadi me

ngama, Ndili gba kpála-a, u 'e'e bhadi ma moko.^{h 15} U 'e'e ma, amba kpála ne kpála inde abhuka ma-a, ani sia mukobho na duduma. ¹⁶ Padhá de, anga Ebhe akunda okpála na pía doto naali. Kaka-a, ani atima koli Ndili gba e bini-e ngubula me kpála ne kpála inde abhuka ani-e, ani akpí-i de. Engú bini, ani sia mukobho na duduma. ¹⁷ La-a, Ebhe tima nani Ndili gba e ngú nakodho 'ngú gba okpála na pía doto de. Engú bini, ani atima ani ngubula me, okpála na pía doto kobho ka ani. ¹⁸ Kpála ne kpála inde abhuka ani-e, mangimbo pí ani ade. Engú la bini, kpála inde i bhuka de-e, u a'o mangimbo pí ani bhutode. Padhá de, anga ani bhuka koli Ndili bini gba Ebhe-e de.

¹⁹ Ta mangimbo ang-o me: zi 'kpí ago pía doto, engú la bini, okpála na pía doto akunda mangbo biti ane zi 'kpí, ka siti 'ngú inde u ngamene e-o. ²⁰ Ndu kpála hana inde ngamene siti 'ngú-o, yala zi 'kpí mayala. Ani gó di li bili li zi 'kpí nde li e de. Padhá de, anga ani ngakpe me osisiti 'ngú gba ni-e akoto mbámhá li zi 'kpí de. ²¹ Engú la bini, ndu kpála hana inde ngamene ngbili 'ngú , ngago li bili li zi 'kpí nde li e-o. Ani ngamene mo-o ngubula me u u mbámhá me okulu ni ngamene e, a amene lie maka li Ebhe aziba lie ko.»

Yesu ngauo ne Djaa

²² Pita 'ngú ang-o, Yesu ngauo ne omakpata gba e anu bhú ndu doto na Yudaya. Oo, ani adu ne uo ngubula mbo nedhinga bedi. Ani atsia adu abatisa okpála. ²³ Djaa atsia adu di nabatisa okpála bhú 'ngu na Enona, de bili na Salime, anga engu adu li bili ang-o naali. Okpála adu ago abhaka ani, ani atsia adu abatisa uo. ²⁴ (Li nedhinga bhomu-o, a abhaka me u nde bhike nga Djaa bhú tikpu de.)

²⁵ Abhomu-o, bhú ká omakpata gba Djaa, okoko aholo nabi bhayiki ne maYuda bini, pindji 'ngú navulu lie ngú nakolo ka e bubu, maka li líli apa lie-o. ²⁶ U anu abhaka Djaa, u atsia apa pi ani me: «Musuno, kpála nako yi adu ne e ayi 'ngu na Djeludani-e, di mo okpokpo 'ngú gba e-e, tsia nga mbia inde-e, ani ngabatisa

^{h3:14} Yesu ngapa bhomu-o engú nakpi ka e li kulusi di ne nagie lie ka e agba Ebhe.

okpála. Okpála bhelé nganụ abhaka ani.»

²⁷ Djaagie pi uo me: «Kpála bini ti da nasia 'he belegụ de bini, i dū me Ebhe nde ha pi ani ngae de ko. ²⁸ Ngayi makpe, yi ti da napapa li ma ngayi me, ma apa nako me: «Ngama-a, ma ne Masiya ade. Engú la bini, ma ne kpála inde u atima e pi ani kalanụ.» ²⁹ Bhulụ ọlọ-o, a ko 'ko ọlọ-o. Olu bhoko-o alụ de ani, ani ngadje ani. Ani ngakpi djalí naali ka ani ngadje 'li 'ko ọlọ-o lie-o. A ko di djalí gba ma-o, djalí ango-o mbia inde-e libhomu. ³⁰ A ayo me u 'e'e ani ne abhúlá, amba ngama-a, ma kọ naama ne kuto.»

Kpála inde ayie abhúlá-a ane ndụ okpála hana

³¹ «Kpála inde ayie abhúlá ane ndụ okpála hana. Kpála inde ayie píla doto-o, a ko kpála na píla doto. Ani ngakpokpo 'ngú na píla doto. Kpála inde ayie abhúlá-a ane ndụ okpála hana. ³² Ani ngakpokpo 'ngú pindji engú inde ani au e, di ne bhende ani adje e-o. La-a, kpála bini ziba engú inde ani ngakpokpo e de. ³³ Kpála inde aziba engú inde ani ngakpokpo e abhuka me Ebhe ngapa kụkụlụ 'ngú. ³⁴ Kpála inde li Ebhe atima e, ngakpokpo eli gba Ebhe . Padhá de, anga Ebhe abedhe ani ne Bua gba e bedhe. ³⁵ 'Dyi Ndili-e, akunda Ndili na bhobhoko gba e-o. Ani a'o ndụ 'he hana sa 'kpa ani. ³⁶ Kpála inde abhuka Ndili-e, asia mụkobho na duduama. La-a, kpála inde i bhuka Ndili-e de-e, sía mụkobho ango-o de. Engú bini, ke 'ngú gba Ebhe-e adú pí ani.»

4

Yesu ngauo ne ọlọ bini na ndu doto na Samalia

¹⁻³ Abhomụ-o, omụFalisai adje me okpála bhelé ngakpata Yesu, di ne me ani ngabatisa okpála bhelé ane Djaagie . (A na paká me Yesu dū nani naae nabatisa okpála de. Omụkpata gba ani-e adụ mangbo nabatisa okpála ngao.) Li Yesu adje lie mo-o, ani ayie bhú ndu doto na Yudaya, ani atsia agie lie bhú ndu doto na Galilaya, ⁴ ngú nanụ oo. Padhá de, anga a ayo me ani pụ bhú ndu doto na Samalia.

⁵ Ani akolo bhú gụdhụ bini na Samalia. A adụ 'li gụdhụ ango-o me Sikale,

dengo ndu doto inde nani li Yakobho aha e pi ndili gba e Djodjefu-o . ⁶ Li dabili angoo, kpongu gba Yakobho adu oo. Li Yesu andala lie ka dhuku-o, ani atsia adu dengo kpongu angoo kuto. A adu masikpe de tulukpe.

⁷ Olo bini na Samalia ago ngu nase 'ngu. Abhoma-o, Yesu atsia apa pi ani me: «Ha mbo engu nandji mandji mama.» ⁸ (A abhaka me omukpata gba ani-e nde agbida bhú gudhu, ngu nakala ezu nazu mazu.) ⁹ Abhoma-o, olo-o apa pi Yesu me: «Ma ne maYuda. Ngama-a, ma ne kpala na Samalia. Lele pi ma ti da nayo engu nandji mandji lie ka ma?» (Padha de, anga omaYuda djedje lio ne omuSamalia de.)

¹⁰ Yesu agie pi ani me: «I du me ma mbila makala gba Ebhe-e uo, i du la di me ma mbila kpala inde apa pi ma me: «Ha mbo engu nandji mandji mama uo», ma de ayo mangbo engu ka ani ngamu. Ani de aha engu na mukobho pi ma.» ¹¹ Olo angoo agie pi ani me: «Ngama, ehe ngu nase engoo ne di ka ma ade. 'Du 'ngu-o la di tsutsu. Mo oye ne engu na mukobho-o su? ¹² Ogbi ya Yakobho aha kpongu inde-e pi ya ngae. Ngaani makpe, ani andji engu inde-e bhú dabili bini ne ongisi di ne onu gba e-o. Mo obhundja naamu me ma ngbengbe ane ani?»

¹³ Yesu agie pi ani me: «Kpala inde andji engu inde-e, ani adje mata gamu 'ngu madje. ¹⁴ Engu bini, kpala inde andji engu inde ma aha e pi ani-e, ani dje mata gamu 'ngu belegu de bini. La-a, engu inde ma aha e pi ani-e, akolo bhú ani kpongu na mukobho na dudu.» ¹⁵ Olo angoo apa pi ani me: «Ngama, ha mbo engu angoo ma, amba ma adje mata gamu 'ngu de. Ma ago la di mata nase engu inde-e de.»

¹⁶ Yesu apa pi ani me: «Nu 'i 'ko ma, amba ma gie mata limu ei.» ¹⁷ Ani agie pi Yesu me: «Bhoko ka ma ade.» Yesu atsia apa pi ani me: «Mo opa ndjindji me bhoko ka ma ade ko. ¹⁸ Padha de, anga mo odu nako ne obhosi bhuluvue. Bhoko bhende yi nde ne e mbia inde-e, a ko la di 'ko ma de. Mo opa kuku 'ngu.»

¹⁹ Abhoma-o, olo angoo apa pi Yesu me: «Ngama, ma au me ma ne polofeta .

²⁰ Onguo ogbi ya, okpala na ndu doto na Samalia-a, adhege Ebhe pi eta inde. Engu bini, ngayi omaYuda-a, yi ngapa me gudhu na Yelusalema ne bili inde a

ayo lie me u dhөгө Ebhe-o.»

²¹ Yesu atsia agie pi ani me: «Өлө-e, bhuka 'li ma. Nedhinga ngago, nedhinga inde yi dhөгө 'Dyi ní lie pí eta inde-e de. Yi dhөгө la di ani lie bhú gүdhү na Yelusalema de. ²² Ngayi okpála na ndu doto na Samalia-a, yi ngadhөгө Ebhe inde yi mbila e de. Engú bini, ngaya-a, ya ngadhөгө Ebhe inde ya ambila e. Padhá de, anga mukobho ago ne li pápá gba omaYuda. ²³ Engú bini, nedhinga ngago, nedhinga ang-o belegү akolo, nedhinga inde li okүkүлү okpála nadhөгө 'Dyi ní adhөгө ani lie bhú Bu Bhobua , di ne bhú kүkүлү 'ngú-o. Padhá de, anga a bhomү-o okүkүлү okpála nadhөгө 'Dyi ní inde ani nde ne gүmү o-o. ²⁴ Ebhe ne Bua. Kaka-a, a ayo me okpála inde ngadhөгө ani-e, dhөгө ani bhú Bua di ne bhú kүkүлү 'ngú.» ²⁵ Өлө-o apa pi Yesu me: «Ma ambila me Masiya ('ili ang-o akүnda napa me Kilisito) agó mago. Li ani agó lie-e, ani tsia bhúlu ndү 'ngú hana pi ya mbámbá.» ²⁶ Yesu agie pi ani me: «Ngama kpála inde ngakpokpo 'ngú pi mү mbia inde-e, ma ne ani.»

²⁷ Li nedhinga bhomү-o, omүkpata gba Yesu-o agie lio. U angamba naali ngú nau ani me ani nde ngagama 'ngú ne өлө. Engú bini, sүka uo bini yi ani de me: «Mү ngagili ní?» di ne me: «Mү ngagama 'ngú ne ani ngú ní?»

²⁸ Abhomү-o, өлө ang-o a'o ká lүsa 'ngu gba e-o. Ani agie lie abhú gүdhү. Ani atsia apa pi okpála me: ²⁹ «Yi gógo, yi u kpála inde akpokpo ndү 'ngú hana inde ma amene e mүma. A ko ndi Masiya di?» ³⁰ Abhomү-o, u aze bhú gүdhү-o, u atsia agbida nabhaka Yesu.

³¹ Bhú nedhinga bhomү-o, omүkpata gba Yesu-o adү atү ani me ani zү 'he. U adү apa pi ani me: «Mүsuno, zү nga mbo 'he!» ³² Engú bini, ani agie pi uo me: «A ka ma ne ehe nazү mazү inde yi mbila 'ngú li e de.» ³³ Abhomү-o, omүkpata-a ayi lio sүnda o me: «Kpála bini ago ndi pi ani ne ehe nazү mazү adi?»

³⁴ Yesu apa pi uo me: «Ezү gba ma-a, a ko namene gүmү gba kpála inde atima ma-o, di ne nandjia kulu inde ani aha e mүma-o. ³⁵ Ngayi-e, yi papa me: «A atigala matá epe badha ngүbula na'e nguwa abhiye.» La ngama-a, ma apa pi yi me, yi tsia nga oedyi-e ndjindji. Padhá de, anga nguwa abhele, a akolo bedhe ngүbula

na'e'e abhiye! ³⁶ Kpála inde ngagbe nguwa abhiye-e ngasia makalá gba e-o. Aní ngapo bhúla nguwa-a ngúbula mukobho na dáduma. Kaka-a, kpála nalu nguwa, ne kpála inde nga'e'e abhiye-e, ngakpi djali bhú dabilí bini. ³⁷ Padhá de, anga a ko kəkəkə 'ngú, engú inde u apa e bhú gbitaku me: «Kpála koko ngalu nguwa-o, lí kpála koko tsia 'é abhiye.» ³⁸ Ngama-a, ma atima yi na'e nguwa bhiye inde yi ndala bhú e de. Okpála koko andala bhúbhú, yi la ngasia bádha 'ngú lí kulu gba uo-o.»

³⁹ Abhomu-o, okpála bhelé na gúdhú na Samalia bhomu-o abhuka Yesu ka eli inde lí ɛlɛ-o akpokpo e me: «Aní akpokpo ndú 'ngú hana inde ma amene e muma.» ⁴⁰ Kaka-a, lí okpála na gúdhú na Samalia akolo lie de Yesu-o, u ayo ka aní me aní dú mbo gba o oo. Abhomu-o, Yesu atsia amene oo ekpí bhisi.

⁴¹ Okpála bhelé naali abhuka matá ka eli inde lí Yesu apa e-o. ⁴² U atsia apa pí ɛlɛ-o me: «Mbia inde-e, ya bhuka bha bini ka engú mo okpokpo e de. Engú bini, ya abhuka anga ngaya makpe-e, ya adje aní. Ya atsia ambíla na paká me a ko Mukobho gba okpála na píla doto.»

Yesu akobho ndíli na bhobhoko gba 'ngbé kpála bini

⁴³ Píta 'kpí bhisi lí Yesu amene e oo, aní ayie oo, aní atsia anu bhú ndu doto na Galilaya. ⁴⁴ Ngaani makpe-e, aní apa nani me: «Polofeta inde u amanga e bhú doto gba e belegu ade bini.» ⁴⁵ Lí aní akolo lie bhú ndu doto na Galilaya-a, okpála inde oo asia aní ndjindji. Padhá de, anga u au ndú 'ngú hana inde lí aní amene e lí nedhinga na anokomia bhú gúdhú na Yelusalema-o, anga u adú di oo.

⁴⁶ Pípíta-a, Yesu agie lie bhú kúti na Kana, bhú ndu doto na Galilaya. A bhomu-o bíli inde aní adji nani engu lí e, atsia akolo vino-o. 'Ngbé kpála bini na Líta adú oo. Adú lí ndíli gba aní na bhobhoko-o ne kuo, bhú kúti na Kapalanauma. ⁴⁷ Lí kpála ango-o adje lie me Yesu ayie bhú ndu doto na Yudaya, aní akolo bhú ndu doto na Galilaya-a, aní anu abhaka aní. Aní atsia akikiliki lie pí aní me aní nu bhú kúti na Kapalanauma, amba aní kobho ndíli gba ní na bhobhoko-o. Padhá de, anga ndíli ango-o adú masíkpe de nakpi.

⁴⁸ Abhomu-o, Yesu atsia apa pí aní me: «Í dú me yi nde u ongamba 'ngú , di ne

okiaka 'ngú de-e, a na paká me yi ti da nabhubhuka de!»⁴⁹ 'Ngbé kpála na Lita-a apa pi ani me: «Ngámá, kala me ndili-e kodho bua e, gogo.»⁵⁰ Yesu apa pi ani me: «Gie limu agba mu, ndili gba mu-o akobho!» Kpála ango-o abhuka engú inde li Yesu apa e pi ani-o. Ani atsia atapa.⁵¹ Nedhinga ani adu anu lie-e, okpála na kulu gba ani-e ago akè lio ne ani li kpadji. U apa pi ani me: «Ndili gba mu-o akobho!»⁵² Ani atsia ayi uo li nedhinga li ndili-e akolo lie ndjindji-o. U apa pi ani me: «Bandji-e ayie li ani lili bhú saa na bini, pita tulukpe.»⁵³ Abhomu-o, 'dyi ndili-e atsia ambila me, a ko saa inde li Yesu apa pi ani lie me: «Ndili gba mu-o akobho-o.» Nayie li nedhinga bhomu-o, ngaani makpe-e, ani abhuka, di ne piga gba e libhomu.

⁵⁴ A bhomu-o ngamba 'ngú na bhisi li Yesu amene e, pita ani ayie lie bhú ndu doto na Yudaya, ani atsia agie lie bhú ndu doto na Galilaya ko.

5

Yesu akobho kpála inde agugumu kuto

¹ Pita ongu akodho 'kpí-e, anokomia bini gba omaYuda ati. Abhomu-o, Yesu atsia anu bhú gudhu na Yelusalema. ² Bhú gudhu oo, de bhoti inde u a'i e me bhoti gba Okandele-o, 'dú 'ngu bini navelu kate adu oo. A adu 'li 'li bhú eli na Ebele me Betedjata. Djedje 'he maka 'ti ngbangbali adu dede bhuluvue. ³ Obhulu kuo bhelé adu me u nde asili kuto sasa. A adu nani okpála inde i u 'kpí de, ne okpála inde ne eze li 'dhu o, di ne okpála na bhuku kate. [U adu adjeke me engu-o dimba. ⁴ Padhá de, anga li onedhinga koko-o, andjelu bini gba Ngámá-a adu akè bhú 'ngu-o, engu-o atsia adu adimba. Kpála na kuo inde adu akè bhúbhú kalanu-o, adu nakobho. Belegu li kuo du bha nani pi-ie.]

⁵ Bhoko bini adu oo, ani asi nani ne kuo kalanga ndjikpa bata ne ká madjina. ⁶ Li Yesu au ani lie asi kuto-o, ani ambila di lie me ani asi ne kuo 'kpí bhelé-e, ani atsia ayi ani me: «Mo okunda nakobho?» ⁷ Kpála na kuo ango-o agie pi ani me: «Ngámá, kpála ka ma ade ngubula me ani kè ma bhú 'ngu-o, li nedhinga inde i ngadimba lie-o. Ma le me ma nu me-e, li kpála koko kodho 'kpí kala ma.» ⁸ Yesu

apa pi ani me: «Yie bhúlá, ha tsala gba m̄-o, n̄n̄.» ⁹ Kolo má gala me-e, kpála na kuo-o akobho. Ani aha tsala gba e-o, ani atsia aholo nadh̄k̄.

La-a, ad̄ nani li 'kpí nago gba omaYuda-o . ¹⁰ Abhom̄-o, omaYuda apa pi kpála inde akobho-o me: «A ko 'kpí nago. A ayo de me m̄ bi tsala gba m̄-o de.» ¹¹ Ani agie pi uo me: «Kpála inde akobho ma-a, apa m̄ma me: «Ha tsala gba m̄-o, n̄n̄.»» ¹² U ayi ani me: «A ko kpála bhedho inde apa pi m̄ me: «Ha tsala gba m̄-o n̄n̄?»» ¹³ Engú bini, kpála inde akobho-o mbila de me a ko da. Padhá de, anga ad̄ me Yesu nde angita bhú ká okpála inde ad̄ li bili ango-o angita.

¹⁴ Pipita-a, Yesu abhaka ani bhú 'ngbé 'ti Ebhe gba omaYuda-o. Yesu apa pi ani me: «Tsitsia nga, mo okobho. Mo oméne matá siti 'ngú de, amba engú inde ane ne siti-e, akólo li k̄te m̄ de.» ¹⁵ Kpála ango-o an̄ napa pi omaYuda me Yesu akobho ni ngae. ¹⁶ Kaka-a, omaYuda aholo nadje siti bua p̄ndji Yesu. Padhá de, anga ani amene nani engú ango-o bhú 'kpí nago. ¹⁷ Engú bini, Yesu agie pi uo me: «Maka li 'Dyi ma ngamene kulu lie nakolo pi mbia inde-e, Ngama di-e, ma ngamemene moko.» ¹⁸ Kaka-a, omaYuda ad̄ agili matá ne kekele ngú nabh̄le ani. Padhá de, anga ani ḡm̄ bha bini líli na 'kpí nago de, engú bini, ani ad̄ apa lie me Ebhe ne 'Dyi ni-e, ani ad̄ ale lie bhom̄-o li Ebhe.

Ebhe aha nd̄ 'ngú gba e hana pi Ndili gba e-o

¹⁹ Abhom̄-o, Yesu apa matá pi uo me: «A moko, ma apa pi yi na paká me ngama Ndili-e, ma ti da namene 'he bini bhú nḡ ma de, bha bini bhende ma au me 'Dyi ma ngamene e-o. Padhá de, anga ehe inde li 'Dyi ma ngamene e, ngama Ndili-e, ma ngamemene bhadi moko. ²⁰ 'Dyi ma k̄nda ma, Ndili gba e-o. Ani ngasuno nd̄ 'ngú hana inde ngaani makpe ani ngamene e m̄ma, Ndili gba e-o. Ani asúno m̄ma, Ndili gba e, okulu na ngbengbengbe inde ane obhende-e mane. Yi tsía ngámba tété. ²¹ Padhá de, anga maka li 'Dyi ma ngazuku okpála inde amu-o lie, ani la di ngaha m̄kobho pi uo-o, ngama, Ndili gba ani-e, ma ngaha bhadi m̄kobho moko pi kpála inde ma ak̄nda nahaha pi e ko. ²² 'Dyi ma kodho 'ngú gba kpála bini de. Engú bini, ani aha nakodho 'ngú hana m̄ma, Ndili gba e, ²³ nḡbula me nd̄ okpála hana d̄ namanga ma, Ndili gba ani, maka u

ngamanga ani 'Dyi ma lie ko. Kpála inde i manga ma, Ndili-e de-e, ani manga di 'Dyi ma inde atima ma-a de.

²⁴ A moko, ma apa pi yi na paká me kpála inde adje 'li ma-a, inde abhuka la di kpála inde atima ma-a, kpála ango-o asia mukobho na dudu. U 'ó mangimbo pí kpála ango-o de. Engú bini, ani ayie bhú kuo, ani atsia akodho 'kpí bhú mukobho.

²⁵ A moko, ma apa pi yi na paká me nedhinga ngago, mbia inde-e, nedhinga ango-o belegu akolo, nedhinga li okpála inde amu-o, adjé 'li Ndili gba kpála-a lie-o. Abhomu-o, okpála inde adjé-e, u tsia kóbho.

²⁶ Padhá de, anga maka li 'Dyi ma nde lie ne angu ngubula naha mukobho-o, ani aha bhadi angu mu, Ndili gba e moko ngubula me ma du naha mukobho.

²⁷ Ani atsia aha la di angu mu, Ndili gba e, ngu nakodho 'ngu gba okpála, anga ma ne Ndili gba kpála. ²⁸ Yi angamba tété de. Padhá de, anga nedhinga ngago.

Bhú nedhinga ango-o, ndu okpála hana inde bhú lata-a, adjé 'li Ndili gba kpála-o.

²⁹ Abhomu-o, u tsia zé. Okpála bhende amene bádha 'ngu-o, azúku ngubula nasia mukobho. Engú bini, okpála bhende amene siti 'ngu-o, azúku ngubula nasia mangimbo.»

Yesu bha bini ngamene gumu gba 'Dyi e

³⁰ Ngama-a, ma ti da namene 'he bini bhú ngu ma de. Ma ngakodho 'ngu maka li kpála atima ma-a ngapapa mu lie ko. Kaka-a, nakodho 'ngu gba ma-a ngbingbili. Padhá de, anga ma gili namene gumu gba ma-a de. Engú bini, ma ngagili mangbo namene gumu gba kpála inde atima ma ko. ³¹ I du me ma du akpokpo 'ngu inde a atsia ma-a, engú ango-o de du kuku 'ngu de. ³² Engú bini, kpála koko ngakpokpo 'ngu gba ma-a ngae. Ma ambila me engú gba ma inde ani ngakpokpo e, a ko kuku 'ngu. ³³ Ngayi-e, yi atima okpála agba Djaa , ani atsia akpokpo kuku 'ngu. ³⁴ Ngama-a, ma ne gumu kpála ngu nakpokpo 'ngu gba ma-a ade. La-a, ma ngapapa mo-o ngubula me yi sia mukobho.

³⁵ Djaa nani maka eke inde u adhedhe e, inde ngatsi matsi. Ngayi-e, yi atsia akunda nani nakpi djali ngubula mbo nedhinga bedi li zi 'ke gba ani-o. ³⁶ Engú bini, engú gba ma inde u ngakpokpo e, ane bhende gba Djaa mane. A ko bhende

na kulu inde li 'Dyi ma apa me ma mene e-o. A moko, kulu inde ma ngamene e ngasuno me 'Dyi ma atima ma ngae. ³⁷ 'Dyi ma inde atima ma-a, akpokpo di engú gba ma-a ngae. La-a, yi dje nga 'li ani belegu de bini, yi u nga la di ani de. ³⁸ Eli gba ani-e ngadu bhú yi ade. Padhá de, anga yi ayala nabhuka kpála inde ani atima e-o. ³⁹ Yi ngadjipi 'ngú pindji Bhuku gba Ebhe-e ndjindji, anga yi ngabundja me yi asía makobho na dadama bhúbhú. A la bhomu-o Bhuku inde ngakpokpo 'ngú gba ma-o! ⁴⁰ Abana mo-o, yi kanda nago abhaka ma ngú nasia makobho ango-o de.

⁴¹ «Ma gili de me okpála dhoge ma-a de. ⁴² Engú bini, ma mbila yi ndjindji. Ma ambila me yi ne makanda pi Ebhe ade. ⁴³ 'Dyi ma atima ma ngae. La-a, yi sia ma de. I da la me kpála koko nde ago bhú ngu e, yi tsia sía ani! ⁴⁴ Yi ngatoko liyi sunda yi. Yi gili de me Ebhe toko bha yi ngae de. Lele pi yi ti da nabhuka ma lie? ⁴⁵ Yi abhúndja de me ma a'ó yi bhú mangimbo kala 'Dyi ma ngama-a de. Kpála bhende a'ó yi bhú mangimbo-o, a ko Moidje inde yi a'o 'to yi 'to e ko. ⁴⁶ I dú me yi bhúka Moidje kakulu-o, yi de abhúka di ma mabhuka . Padhá de, anga Moidje aye nani engú gba ma-o. ⁴⁷ Engú bini, i da me yi nde bhuka engú inde ani aye e de-e, yi abhúka la 'li ma lele pi?»

6

Yesu aha ezú pi obhosi kutu bhuluvue

(Tsia bhú Mat. 14:13-21, ne bhú Mlk. 6:30-44, di ne bhú Luk. 9:10-17.)

¹ Pipita-a, Yesu akodho 'kpí li pápá koko na ekpe na Galilaya, inde u a'i di-e me ekpe na Tibeliade. ² Bhiti okpála na bhibhiti adu akpata ani. Padhá de, anga u adu au ongamba 'ngú inde ani adu amene e li nakobho okpála na kuo-o. ³ Yesu atsia a'u apí 'ta. Oo, u atsia adulu ne omakpata gba e kuto. ⁴ A adu me anokomia na Pasika gba omaYuda nde akolo masikpe.

⁵ Abhomu-o, Yesu atsia 'kpí, ani au bhiti okpála na bhibhiti ngago abhaka ani. Ani atsia ayi Filipo me: «Ní ti da nakala mapa su ngubula me okpála inde-e hana zu-o?» ⁶ (Yesu adu apa mo-o ngubula nale Filipo. Padhá de, anga ngaani Yesu-o,

ani adu ambila engu inde ani amene e ndjindji.)⁷ Filipino atsia agie pi ani me: «Abana ya kala mapa ne li denalio kama bhisi-e, ale de me kpala ne kpala sia mbo-o de.»⁸ Suka omakpata gba ani koko-o, Andili ndai Simo Piele, apa pi ani me:⁹ «Ndili na bhobhoko bini si-i, a ka ani ne mapa na olodjeⁱ bhuluvue di ne sungu bhisi. A la bhomu-o ni pi bhiti okpala inde-e?»

¹⁰ Do Yesu de-e: «Yi pa pi okpala me u dalu kuto.» (Ulu adu li bili angoo-naali.) Okpala atsia adulu kuto. Obhosi adu masikpe de kutu bhuluvue.

¹¹ Abhomu-o, Yesu aha mapa-o. Ani atsia agie heni pi Ebhe. Ani atsia agapa li okpala inde adu oo-o. Ani aha bhadi sungu-o pi uo moko li lele maka u adu akukunda lie ko. ¹² Li okpala a'u'u lie, Yesu atsia apa pi omakpata gba e me: «Yi po bhala dudu inde atigala-o, ngubula me asiti de.» ¹³ Du mapa na olodje bhuluvue inde atigala-a, u apo bhubhala. A atsia abebedhe okili ndjikpa ne ka bhisi.

¹⁴ Li okpala au ngamba 'ngu inde li Yesu amene e lie, u atsia apa me: «A inde-e bha ndju polofeta inde a ayo me ani go pala doto-o!» ¹⁵ Yesu ambila me u ngakunda nago aholo ni ne kpeke me ni du ngama. Abhomu-o, ani ayie, ani atsia anu mata kpi e kpi api 'ta.

Yesu adhuku pi 'ngu

(Tsia bhú Mat. 14:22-33, di ne bhú Mlk. 6:45-52.)

¹⁶ A akolo lie tagolo-o, omakpata gba Yesu ake alingo ekpe-o. ¹⁷ U a'u bhú zabu bini u atsia aholo nagugulu, anu li papa na Kapalanauma. La-a, ekpi abi li uo padha me Yesu nde kolo nga li uo de. ¹⁸ Anvi adu ape kpekpeke. Kaka-a, engu-o aholo nadimba. ¹⁹ A abhaka me omakpata-a nde adhuku ne zabu-o masikpe de kilometele madhia. Li nedhinga bhomu-o, u au Yesu me ani nde ngadhuku pi 'ngu. Ani akolo de zabu-o. Abhomu-o, u aholo nadjé tsulu. ²⁰ Engu bini, Yesu apa pi uo me: «A ko ma, yi adjé tsulu de!» ²¹ U adu akunda me o ha ani, amba o

^{16:9} *Mapa na olodje:* A ko nani mapa na bhuku mase. Okpala na ndibhili ti nani da nakakala ndjindji.

bi ani bhú zabu-o. La-a, zabu akolo bha kolo lingo 'gø li bili u adu anu lie-o.

Bhiti okpála agili Yesu

²² Li ekpí aseke lie, bhiti okpála inde atigala ayi 'ngu-o au bha koli zabu bini. La-a, u adu ambila ndjindji me Yesu 'u bhú zabu bhú dabili bini ne omukpata gba e de. Omukpata-a anu kpi o kpi. ²³ Li nedhinga bhomu-o, ozabu koko ayie bhú gudhu na Tibeliade, atsia akolo de bili li okpála azu mapa li e pita li Ngámá agie heni lie pi Ebhe-o. ²⁴ Li bhiti okpála bhomu-o au lie me Yesu ne omukpata gba e oo ade-e, u a'u'u bhú ozabu-o, u atsia agbida bhú Kapalanauma ngú nagili Yesu.

Yesu ne mapa na mukobho

²⁵ U anu abhaka Yesu ayi 'ngu. Abhomu-o, u ayi ani me: «Musunu, mo okolo ei nadho?» ²⁶ Yesu agie pi uo me: «Heni, ma apa pi yi na paká me, yi ngagili ma ka ongamba 'ngú inde yi au e ade. Yi ngagili mangbo ma ka mapa inde yi azu e, yi atsia a'u'u ne e má kpú kpú kpú-o! ²⁷ La-a, yi améne kulu ngubula ezu inde ngazi mazi-e de. Engú bini, yi mene mangbo ngubula ezu inde ngabhue, di ne bhende ngaha mukobho na duduma ko. Ngama, Ndili gba kpála-a, ma ahá ezu ango-o pi yi ngama. Padhá de, anga Ebhe 'Dyi ma a'o kasé na angu gba e li kute ma.»

²⁸ Abhomu-o, u atsia ayi ani me: «A ayo me ya mene pi ngú namene kulu maka li Ebhe akunda lie?» ²⁹ Do Yesu pi uo me: «Kulu gba Ebhe-e, a ko me yi bhuka kpála inde ani atima e ko.»

³⁰ Abhomu-o, u atsia ayi ani me: «Mo oméne mangua ngamba 'ngú dho me ya u, amba ya bhuka mu-o? Kulu gba mu-o ne ni? ³¹ Li onguo ogbi ya adu lie abhú 'gu-o, u azu mana maka u aye nani lie bhú Bhuku gba Ebhe-e me: «Ani aha mapa inde ayie abhúlá-a pi uo ngú nazuzu.†» ³² Abhomu-o, Yesu agie pi uo me: «A moko, ma apa pi yi na paká me, Moidje ha mapa na abhúlá-a pi yi ngae de. Engú bini, 'Dyi ma ngaha mapa na kukulu na abhúlá-a pi yi ngae. ³³ Padhá de, anga mapa inde li Ebhe ngaha e, a ko bhende ngayie abhúlá, inde ngaha la di mukobho pi okpála na doto-o.» ³⁴ Abhomu-o, u atsia apa pi Yesu me: «Ngámá, ha

†6:31 Tsia bhú Eki. 16:4, 15, di ne bhú Ets. 78:24.

pi ya ndu 'kpí hana mapa bhomu!»

³⁵ Yesu agie pi uo me: «Ma ne mapa na mukobho. Kpála bhende ago abhaka ma-a, gumu 'zu méne ani belegu de bini. Kpála bhende abhuka la di ma-a, gumu 'ngu méne ani belegu de bini. ³⁶ Engu bini, ma apa 'ngu inde-e pi yi apa. Yi au ma. La-a, yi bhuka de. ³⁷ Ndu kpála hana inde li 'Dyi ma ngaha e muma-a, agó li pabíli gba ma. La di-e, ndu kpála hana inde agó li pabíli gba ma-a, ma bhíke ani de. ³⁸ Padhá de, anga ma ayie abhúlá, ma ago ngu namene engu inde li kpála inde atima ma-a akunda e ko. Engu bini, ma go ngu namene naama 'ngu de. ³⁹ Engu inde li kpála inde atima ma akunda e-e, a ngae inde: ndu okpála inde ani aha o muma hana, a ayo de me suka uo bini ngita-a de. Engu bini, a ayo me, ali sokpí-e, ma zuku ndu uo hana. ⁴⁰ Padhá de, anga 'Dyi ma akunda me, ndu okpála hana inde au ma Ndili-e, inde abhuka la di ma-a, sia mukobho na dudu ma, amba ma zuku uo ali sokpí.»

⁴¹ Abhomu-o, omaYuda aholo namene bhayiki li kute ani. Padhá de, anga ani apa nani me: «Ma ne mapa inde ayie abhúlá.» ⁴² U atsia apa me: «A inde-e Yesu, ndili gba Djodjefu-o di? Ya mbila 'dyi ani ne 'hi ani hana. Lele pi ani apa lie me ni ayie abhúlá?» ⁴³ Yesu agie pi uo me: «Yi 'o namene bhayiki sunda yi. ⁴⁴ Kpála ti da nago abhaka ma de, i du me 'Dyi ma inde atima ma-a nde holo 'kpa ani ngae de ko. Ngama la di-e, ma azuku ani li sokpí. ⁴⁵ Opolofeta aye engu inde-e me: «Ebhe asuno 'ngu pi ndu okpála hana.†» Kpála ne kpála inde adje 'li 'Dyi ma, inde asia la di nasuno gba ani-e, ago nabhaka ma. ⁴⁶ Bhobhomu apa me, kpála bini u Ebhe de. Bha bini ma, kpála inde ayie agba Ebhe-e, ma au bha 'Dyi ma ngama. ⁴⁷ A moko, ma apa pi yi na paká me, kpála inde abhuka-a, asia mukobho na dudu ma.

⁴⁸ Ngama-a, ma ne mapa na mukobho. ⁴⁹ Onguo ogbi yi azu nani mana abhu 'gu. La-a, u atsia amu. ⁵⁰ Engu bini, mapa bhende ayie abhúlá-a, a ko bhende li kpála zu e, ani kpí de ko. ⁵¹ Ma ne mapa inde u, inde ayie abhúlá ko. I du me kpála nde azu mapa ango-o, ani dú bhú mukobho na dudu ma. Mapa inde ma ahá e, a ko

†6:45 Tsia bhú Isa. 54:13.

kute ma. Ma ngahaha me okpála na doto sia mukobho.»

⁵² Li omaYuda adje 'ngú bhom̄-o lie, u aholo amene kpekebhe s̄nda o kpekpeke. U ad̄u apa me: «Lele pi kpála inde-e ti da naha kute e lie pi ní me ní z̄u-o?» ⁵³ Abhom̄-o, Yesu apa pi uo me: «A moko, ma apa pi yi na paká me: i d̄u me yi nde z̄u kute ma, Ndili gba kpála de-e, i d̄u la di me yi nde ndji ngute ma de-e, yi dú bhú mukobho de. ⁵⁴ Kpála inde ngaz̄u kute ma, inde la di ngandji ngute ma-a, ani bhú mukobho na d̄ud̄uma. Ngama-a, ma azúku la di ani ali sokpí. ⁵⁵ Padhá de, anga kute ma-a, a ko ez̄u na k̄uk̄ul̄u. Ngute ma la di-e, a ko ehe nandji mandji na k̄uk̄ul̄u. ⁵⁶ Kpála inde ngaz̄u kute ma, inde la di ngandji ngute ma-a, ani ngad̄u bhú ma. Ma la di ngad̄u bhú ani.

⁵⁷ 'Dyi ma inde atima ma-a, ani ū. Ma la di ngad̄u bhú mukobho ka ani. A bhadi moko, kpála inde azú ma-a, ani ad̄u bhú mukobho ka ma. ⁵⁸ A bhom̄-o mapa inde ayie abhúlá ko. A maka bhende li onguo ogbi yi az̄u e, u atsia amu-o ade. Engú bini, kpála inde azú mapa inde-e, ad̄u bhú mukobho na d̄ud̄uma.»

⁵⁹ Yesu akpokpo nd̄u 'ngú bhom̄-o li nedhinga inde ani ad̄u asuno lie bhú 'ti nadje líli gba Moidje bhú Kapalanauma-o.

Eli inde ngaha mukobho na d̄ud̄uma

⁶⁰ Pita u adje engú inde li Yesu apa e lie, bhelé na om̄kpata gba ani-e atsia apa me: «Eli inde-e, a kpekpeke! A ti da naziziba da?» ⁶¹ Engú bini, Yesu ambila me om̄kpata gba ni-e ngamene kpekebhe p̄ndji 'ngú ang-o. Kaka-a, ani apa pi uo me: «Engú ang-o ngamene yi sisiti? ⁶² A la yi u me ngama, Ndili gba kpála-a, ma nde nga'̄u li bilí inde ma ad̄ud̄u nani lie kalan̄-o? ⁶³ Bua gba Ebhe-e ngaha mukobho ngae. Kpála-k̄uti ti da namene 'he bini de. Oeli inde ma apa e pi yi bhom̄-o, a ko Bua inde ngaha mukobho. ⁶⁴ Engú bini, okoko bhú ká yi bhuka de.» A na paká me Yesu ambila nani nayie li lilita me obhende i bhuka ni de-e ngao dho. Ani atsia ambila la di me ap̄ú ni da-ie. ⁶⁵ Ani atsia apa matá me: «Kaka-a, ma apa nako pi yi me: «Kpála bini ti da nago gba ma de, i d̄u me 'Dyi ma nde ha kpadji pi ani ngae de ko.»»

⁶⁶ Nayie li nedhinga bhom̄-o, bhelé na om̄kpata gba ani-e a'o ká ani. U kpata

matá aní de. ⁶⁷ Abhomu-o, Yesu atsia ayi obhende ndjikpa ne ká bhisi-e me: «Ngayi di-e, yi akunda nagbida?» ⁶⁸ Simo Piele agie pi aní me: «Ngámá, ya ti da nanu gba da? A ka mu ne oeli inde ngaha mukobho na dudu. ⁶⁹ Ngaya-a, ya abhuka. Ya atsia ambila la di me mu ne Kpála na bubu inde li Ebhe atima e ko.» ⁷⁰ Yesu agie pi uo me: «Ngayi okpála ndjikpa ne ká bhisi-e, ma lo nako yi ngama di? La-a, suka yi bini ne djabulu!» ⁷¹ Aní adu apa 'ngú bhomu-o li Yuda, ndili gba Simo Isikaliote. Padhá de, anga belegu aní adu lie suka omakpata ndjikpa ne ká bhisi-e, adu kpála inde apú Yesu-o ngae.

7

Ondaise Yesu bhuka aní de

¹ Pipita-a, Yesu aholo nadholo bhú ndu doto na Galilaya. Aní du akunda nadholo bhú ndu doto na Yudaya de, anga omaYuda adu akunda nabhele aní oo. ² A adu me, anokomia na oti ngbangbali gba omaYuda nde akolo masikpe. ³ Abhomu-o, ondaise Yesu atsia apa pi aní me: «Yie si yiyie. Nu bhú ndu doto na Yudaya, ngubula me omakpata gba mu-o, ngauo di-e, u u ngamba 'ngú inde mu ngamene e ko. ⁴ Padhá de, anga kpála inde akunda me okpála u ngamba 'ngú inde ni ngamene e mau-o, aní méne bhú pepe de. I nde lie me mu nde ngamene ngua ngamba 'ngú bhomu-o, mene kala ndu okpála hana!» ⁵ Padhá de, anga ondaise aní-e, ngauo makpe-e, u bhuka nani aní de.

⁶ Abhomu-o, Yesu atsia apa pi uo me: «Nedhinga gba ma-a kolo nga de. Engú bini, pi yi-e, nedhinga ndu 'kpí hana ndjindji. ⁷ Okpála na doto ti da nayala yi de. La mu-a, u ngayala ma. Padhá de, anga ma ngapa me kulu gba uo-o ndjindji ade. ⁸ Yi nu bhú anokomia-a nu. Ngama-a, ma nú-u de. Padhá de, anga nedhinga gba ma-a kolo nga de.» ⁹ Pita aní apa lie mo-o, aní atsia atigala bhú ndu doto na Galilaya.

Yesu asuno pi okpála bhú 'ngbé 'ti Ebhe gba omaYuda

¹⁰ Li ondaise Yesu agbida lie bhú anokomia-a, aní atsia anu di oo. La-a, aní suno lie mbámá de. Aní adu me aní nde awo lie mawo. ¹¹ Abhomu-o, omaYuda adu

agili ani bhú nedhinga na anokomia-o. U adu ayi me: «Ani su?» ¹² U adu amene kpekebhe naali li 'ngú gba ani-e bhú ká okpála. Okoko adu apa me: «A ko bádha kpála.» Okoko adu apa me: «A mo-o ade, ani ngapite okpála.» ¹³ Engú bini, u du apa engú ang-o mbámbá de. Padhá de, anga u adu akpe omaYuda.

¹⁴ Nedhinga li anokomia akolo lie tutu-o, Yesu anu bhú 'ngbé 'ti Ebhe gba omaYuda, ani atsia aholo nasuno pi okpála. ¹⁵ Abhomu-o, omaYuda angamba naali. U atsia adu ayi lio me: «Kpála inde-e mene balua de. Ani ambila la 'he me-e lele pi?» ¹⁶ Yesu agie pi uo me: «Nasuno gba ma-a ngayie ka ma ade. Engú bini, a ngayie ka Kpála inde atima ma ko. ¹⁷ I du me kpála nde akunda namene engú inde li Ebhe akunda e-e, ani ti da nambila me, ne me ayie ka Ebhe, ne me ma ngakpokpo 'ngú gba ma makpe. ¹⁸ Kpála bhende ngakpokpo 'ngú gba e makpe-e, ani ngagili me okpála dhogè ni. Engú bini, kpála bhende ngagili me u dhogè kpála bhende atima ni-e, ani ngapa 'ngú na kuku. Ani pa la di eu de.

¹⁹ Moidje aha nani líli pi yi ngae. A mo-o adi? La-a, kpála bini bhú ká yi ngamene líli ang-o ade. Yi la ngagili nabhele ma ngubula ni?»

²⁰ Okpála agie pi ani me: «A bhú mu ne siti bua ! A ngagili nabhele mu da?»

²¹ Yesu agie pi uo me: «Ma amene bha koli ngamba 'ngú bini má kpikili, ndu yi hana yi atsia aholo nangamba! ²² Moidje aha nani líli pi yi me, yi du nato ongisi na bhosibhosi-e bhú gandja. Engú bini, líli ang-o yie ka Moidje de. A ayie ka onguo ogbi yi. Kaka-a, yi ngaziba nato kpála bhú gandja belegu bhú 'kpí nague gba omaYuda . ²³ Yi ngato kpála bhú gandja bhú 'kpí nague ngú nakpe me yi agumu líli gba Moidje-e de. Ngama-a, ma akobho kpála-kuti libhomu bhú 'kpí nague. Yi la ngake 'ngú liyi mu ma tété ngú ni? ²⁴ Yi akódho 'ngú maka yi ngauu lie de. Engú bini, yi kodho 'ngú ngbingbili!»

Yesu ne Masiya ?

²⁵ Abhomu-o, okpála koko na gudhu na Yelusalema adu apa me: «A oo kpála inde u ngagili nabhele e di? ²⁶ Yi tsitsia nga, ani ngagama 'ngú mbámbá bhú ká okpála. La-a, u pa 'ngú pi ani belegu de bini! Ongamási gba ní-e ambila bha ndju si ndjindji me Masiya ngae inde-e? ²⁷ Padhá de, anga bili li kpála inde-e ayie li e,

ya mbila hana. Engú bini, nedhinga inde li Masiya agó lie, kpála bini mbíla bíli inde ani ayíe li e de.»

²⁸ Li nedhinga bhomú-o, Yesu adú asuno bhú 'ngbé 'ti Ebhe gba omaYuda. Abhomú-o, ani atsia asúla me: «Yi mbíla bha ndjá ma ndjindji? Yi mbíla la di bíli inde ma ayie li e hana? Padhá de, anga ngama-a, ma go bhú angu gba ma makpe-e de. Engú bini, kpála inde atima ma-a, a ko kpála na ngbingbili . Kpála ang-o, yi mbíla ani de. ²⁹ Ngama-a, ma mbíla ani ndjindji. Padhá de, anga ma ayie agba ani. Ani atima la di ma ngae.»

³⁰ Abhomú-o, u adú agíli me, o holo ani. La-a, kpála bini bu 'kpa e li kúte ani de. Padhá de, anga nedhinga gba ani-e le nga nani-i de. ³¹ La-a, okpála bhelé bhú ká bhiti okpála bhomú-o abhuka ani. U adú apa me: «Nedhinga li Masiya agó lie, ani améne ongamba 'ngú ané obhende li kpála inde-e amene e?»

U atima okpála ngú naholo Yesu

³² OmúFalisai adje engú inde li okpála adú apa e bhú tǎpele li 'ngú gba Yesu-o. Abhomú-o, ongbengbe odimandé di ne omúFalisai atima omúlila na 'ngbé 'ti Ebhe gba omaYuda ngú naholo ani. ³³ Yesu atsia apa me: «Ma adú nga matá ne yi ngúbula nedhinga bedi. Pipita-a, ma tsia tápa agba kpála inde atima ma ko. ³⁴ Yi agíli ma, engú bini, yi ú la ma de. Padhá de, anga yi ti da nanú li bíli inde ma adjí li e de.» ³⁵ Abhomú-o, omaYuda atsia ayi lío sǎnda o me: «Ani anú li bíli bhedho inde ní ti da nau ani lie de-e? Ani anú nabhaka omaYuda bhende atsambala bhú ká oGiliki-e? Ani anú asuno pí oGiliki? ³⁶ Oeli inde ani apa e me: «Yi agíli ma, engú bini, yi ú la ma de, anga yi ti da nanú li bíli inde ma adjí li e de.» A akúnda napa pí?»

Engu na makobho

³⁷ Ekpí na soso na anokomia-a, a adú ekpí na ngbéngbé. Li 'kpí ang-o, Yesu alú malú, ani asúla me: «Í dǎ me kpála nde ne gumú 'ngu-o, a ayo me, ani go bhaka ma, amba ani ndji! ³⁸ Kpála bhende ngabhuka ma-a, maka li Bhuku gba Ebhe-e apa lie me: «Engu adú aze li bua ani. Engu ang-o, a ko engu na makobho.» ³⁹ (Yesu adú apa 'ngú bhomú-o li Bua gba Ebhe inde li okpála inde

abhúka aní asía e-o. Lí nedhinga bhom̃-o, Bua gba Ebhe-e go nga naní-í de. Padhá de, anga Yesu nde sia nga naní sangu gba e de.)

OmaYuda koko abhuka me Yesu ne Masiya

⁴⁰ Okpála adje oeli inde lí Yesu apa e-o. Okpála koko bhú ká uo atsia apa me: «Kpála inde-e bha ndj̃ ne polofeta inde ya ngadjeke e k̃k̃ul̃!» ⁴¹ Okoko atsia apa me: «A ko Masiya!» Engú bini, okpála koko atsia apa matá me: «Masiya tí da nayie bhú ndu doto na Galilaya? ⁴² Padhá de, anga Bhuku gba Ebhe-e apa me, Masiya adú s̃ka okpála na piga gba Davidi. Aní ayíe la di bhú Beteleme, k̃t̃i inde lí Davidi abhele bhú e ko.» ⁴³ Abhom̃-o, okpála atsia agbogbo bh̃s̃ o lí 'ngú gba aní-o. ⁴⁴ Okoko bhú ká uo ad̃ ak̃nda me, o holo aní. Engú bini, kpála bini bu 'kpa e lí aní de.

Ongámási gba omaYuda ayala nabhuka Yesu

⁴⁵ Abhom̃-o, om̃lila na 'ngbé 'tí Ebhe gba omaYuda-a agie lío agba ongbengbe odimand̃, di ne om̃Falisai-o. U atsia ayi om̃lila-a me: «Yi go ne Yesu de ng̃bula ní?» ⁴⁶ Om̃lila-a agie me: «Kpála inde agama 'ngú maka kpála bhom̃-o beleg̃ ade bini!» ⁴⁷ Abhom̃-o, om̃Falisai atsia agie pí uo me: «Ngayi di-e, yi a'o di me aní pite yi? ⁴⁸ Bhú ká ongámási, í d̃ di-e bhú ká om̃Falisai-e, kpála bini abhuka aní uu? ⁴⁹ Engú bini, bhiti okpála bhende abhuka aní bhom̃-o, u mbila lílí gba Moidje de. Ebhe abála uo mabala.»

⁵⁰ Nikodem̃-o, a ko s̃ka om̃Falisai. Aní añ la di naní kalañ abhaka Yesu-o ngae. Aní apa pí uo me: ⁵¹ «Líli gba ní-e z̃ba naholo kpála padhá de. A ayo ngaiza me ní dje aní, amba ní mbila la di engú inde aní amene e ko.» ⁵² U agie pí aní me: «Ngam̃ di-e, m̃ ne kpála na ndu doto na Galilaya? Tanga nga oBhuku gba Ebhe-e ndj̃ndj̃i. M̃ ú de me, polofeta bini ayie bhú ndu doto na Galilaya de.»

[⁵³ Pípita-a, kpála ne kpála atsia agie lie agba e. [†]

Θεο na zabhe

¹ Abhomu-o, Yesu anu apí 'ta na ondula na Olive. ² Li ekpí aseke lie, bhú sikikpi-e, ani agie lie bhú 'ngbé 'ti Ebhe gba omaYuda. Ndu okpála hana adyudyo lio de ani masikpe. Yesu adu kuto, ani atsia aholo nasuno pi uo.

³ Abhomu-o, omusuno na líli gba Moidje , di ne omuFalisai ago ne ole bini. U akoto li ole ang-o bha li nedhinga u adu akunda lio lie ne bhoko koko. U aha ani, u atsia a'o ani kala ndu okpála hana. ⁴ Do uo pi Yesu me: «Musuno, u akoto li ole inde-e bha li nedhinga u adu akunda lio lie ne bhoko koko. ⁵ Moidje aye nani pi ya bhú líli-e me, a ayo nabhili ongua olisi bhomu-o ne teme. Ngamu-o, mo opa naamu tété pi?»

⁶ U adu apa engú bhomu-o ngú na'o ekú ngú ani. Padhá de, anga u adu agili nau engú inde u a'ó e pí ani-o. Engú bini, Yesu akita ne kuto, ani aholo naye 'he kuto bhú doto ne likpa e. ⁷ La-a, u azi bha kekele li nayi ani. Abhomu-o, ani ayie bhúla, ani atsia apa pi uo me: «A ayo me kpála inde bhú ká yi, i mene nga naae siti 'ngú bini de-e, ani tulu ani ne teme na kalanu-o ngae.» ⁸ Pipita-a, Yesu akita matá ne kuto, ani atsia aholo bha naye ehe kuto bhú doto. ⁹ Li u adje oeli bhomu-o lie, ndu uo hana atsia aholo ayie bini ne bini. Akpo nayie ne obhelesi okpála. Yesu atigala bha ngae kpi e kpi. Θεο ang-o atsia adu la bhadi li bilí inde u a'o ani li e bhomu.

¹⁰ Abhomu-o, Yesu ayie matá bhúla, ani ayi ole ang-o me: «Okpála ang-o su? Kpála bini kodho 'ngú gba mu-o sisiti di?» ¹¹ Θεο ang-o agie me: «Musuno, ma u kpála bini de.» Do Yesu pi ani me: «Ngama di-e, ma kódho 'ngú gba mu-o sisiti de. Mu ti da natapa. La-a, nayie pi mbia inde-e, mo oméne matá siti 'ngú belegu de bini.»]

Yesu ne zi 'ke pi okpála na píla doto

¹² Abhomu-o, Yesu apa matá pi bhiti okpála-a me: «Ngama-a, ma ne zi 'ke pi okpála na píla doto. Kpála inde ngakpata ma-a, ani dhuku bhú biti de. Engú bini, a adú ka ani ne zi 'ke na mukobho.» ¹³ Abhomu-o, omuFalisai atsia apa pi ani me:

«Mɛ ngakpokpo bhomɛ-o naamɛ 'ngú makpe! Engú inde mɛ ngakpokpo e bhomɛ-o, tata tété ade!»

¹⁴ Yesu agie pi uo me: «A na paká moko me ma ngakpokpo 'ngú gba ma makpe. La-a, engú inde ma ngakpokpo e, a ko kɛkɛlɛ 'ngú. Padhá de, anga ma mbila bili inde ma ayie li e, di ne bili inde ma adji li e ndjindji. Engú bini, ngayi-e, yi mbila bili inde ma ayie li e de. Yi mbila la di bili inde ma adji li e de. ¹⁵ Yi ngakodho 'ngú maka okpála. Ngama-a, ma kodho 'ngú gba kpála bini de. ¹⁶ I dɛ la me, ma nde akodho 'ngú-o, nakodho 'ngú gba ma-a dú ngbingbili. Padhá de, anga ma kpi ma kpi ade, engú bini, 'Dyi ma inde atima ma-a, ya ne ani bhú dabili bini.

¹⁷ U aye bhú líli gba yi makpe-e me: «I dɛ me okpála bhisi nde akpokpo 'ngú-o, engú ang-o dú ngbingbili.» ¹⁸ Ma ngakpokpo naama 'ngú makpe. 'Dyi ma inde atima ma-a, ngakpokpo la di engú gba ma ko.»

¹⁹ Abhomɛ-o, u ayi ani me: «'Dyi mɛ su?» Yesu agie pi uo me: «Yi mbila ma de. Yi mbila la di 'Dyi ma de. Yi mbila ma uu-o, yi de ambila di 'Dyi ma ambila.» ²⁰ Yesu apa 'ngú bhomɛ-o li nedhinga ani adɛ asuno lie bhú 'ngbé 'ti Ebhe gba omaYuda, li bili li osanduku inde u adɛ a'o tia bhú e adɛ li e-o. Kpála bini tsia bu nani 'kpa e li ani de, anga nedhinga gba ani-e kolo nga nani-i de.

Yesu akpo 'ngú pindji bili inde ani ayie li e-o

²¹ Abhomɛ-o, Yesu atsia apa matá pi uo me: «Ma adji. Yi aglí ma. La-a, yi amú bhú siti 'ngú gba yi-o. Yi ti da nanɛ li bili inde ma adji li e de.» ²² OmaYuda atsia ayi lio sɛnda o me: «Ani abhólɛ lie ne titi e? Kaka-a, ani apa me bili inde ni adji li e, ní ti da nakolo tété di?» ²³ Yesu agie pi uo me: «Ngayi-e, yi ayie kuto si. Engú la bini, ngama-a, ma ayie abhúlá. Ngayi-e, yi ne okpála na p'la doto. Engú la bini, ngama-a, ma ne kpála na p'la doto ade. ²⁴ Kaka-a, ma apa igini pi yi me, yi amú bhú siti 'ngú gba yi ko. Padhá de, anga i dɛ me yi nde bhuka de me Ma uu-o^j de-e, yi amú bhú siti 'ngú gba yi ko.» ²⁵ Abhomɛ-o, u ayi ani me: «Ngamɛ-o,

^j8:24 **Ma uu:** A bhomɛ-o 'lilí gba Ebhe inde ani asuno e pi Moidje nedhinga ani atima ani lie bhú Edjipeto. Tsia bhú Eki. 3:14.

m̄ ne da?» Yesu agie pi uo me: «A ko bha engú inde ma apa e pi yi, nayie li lilita-o. ²⁶ Ma ne engú bhelé napapa, di ne nakokodho li 'ngú gba yi ko. Engú bini, ma ngapa pi okpála engú inde ma adje e ka kpála inde atima ma ko. Ngaani-e, ani ngapa ngbili 'ngú .»

²⁷ U mbila de me ani ngapa pi o bhom̄-o engú gba 'Dyi e de. ²⁸ Abhom̄-o, Yesu atsia apa pi uo me: «Nedhinga yi a'é'e ma, Ndili gba kpála lie ne abhúla-a, yi tsia mbíla me ngama-a, ma uu. Yi mbíla la di me, ma mene ehe bini bhú angu gba ma makpe de. Engú bini, ma ngapa bha bini engú inde li 'Dyi ma asuno e m̄ma ko. ²⁹ Ya ne kpála inde atima ma-a bhú dabili bini. Ani 'o ká ma kpi ma kpi de. Padhá de, anga ma ngamene nd̄ 'kpí hana engú inde i nganga li ani manga ko.» ³⁰ Abhom̄-o, okpála bhelé inde adje Yesu ngapa 'ngú bhom̄-o, atsia abhuka ani.

Okpála bhende ne obalise na siti 'ngú

³¹ Abhom̄-o, Yesu atsia apa pi omaYuda inde abhuka nani ani-e me: «Í d̄ me yi nde alila eli inde ma ngapa e pi yi-e ndjindji-e, yi d̄ om̄kpata gba ma-a na k̄k̄l̄. ³² Yi mbíla la di ngbili 'ngú. Li ngbili 'ngú-o tsia gbégbe yi bhú bali.»

³³ U agie pi ani me: «Ya ne odi Abalahama. Ya d̄ nga bali pi kpála beleḡ de bini. Lele pi m̄ ti da napa lie pi ya me, ya azé bhú bali maze-e?» ³⁴ Yesu agie pi uo me: «A moko, ma apa pi yi na paká me: nd̄ kpála hana inde ngamene siti 'ngú-o, a ko bali ka siti 'ngú. ³⁵ Bali ngad̄ bhú piga nd̄ 'kpí hana ade. Engú bini, ndili na bhobhoko ngad̄ nd̄ 'kpí hana bhú piga. ³⁶ Kaka-a, i d̄ me Ndili-e nde agbegbe yi bhú bali-e, yi tsia zé bhú bali k̄k̄l̄. ³⁷ Ma mbila hana me, yi ne odi Abalahama. Engú la bini, yi ngagili nabhøø ma. Padhá de, anga yi ngayala 'li ma. ³⁸ Ngama-a, ma ngakpokpo engú inde li 'Dyi ma asuno e m̄ma ko. La ngayi-e, yi ngamene engú inde li 'dyi yi apa e pi yi ko.»

³⁹ Abhom̄-o, u atsia agie pi ani me: «'Dyi ya-a, a ko Abalahama.» Do Yesu pi uo me: «Í d̄ me yi d̄ ne odi Abalahama-a, yi de méne 'ngú maka Abalahama. ⁴⁰ Engú bini, mbia inde-e, yi ngakanda nabhøø ma, abana ma apa k̄k̄l̄ 'ngú inde ma adje e ka Ebhe lie pi yi-o. Abalahama mene la nani mo-o de. ⁴¹ Engú bini,

ngayi-e, yi ngamene bhadi ngua kulu inde li 'dyi yi ngamene e-o.» U atsia agie pi ani me: «Ya ne ongisi na ngongo ade. Koli 'dyi ya bha bini, Ebhe.»

⁴² Yesu apa pi uo me: «Li Ebhe dú bha ndjɛ ne 'Dyi yi-e, yi de akunda ma. Padhá de, anga ma ayie agba Ebhe. Ma la di si bhú ngɛ ani. Ma go bhú ngɛ ma de. Engú bini, ani atima ma ngae. ⁴³ Yi mbila engú inde ma ngapa e pi yi-e de ka ni? A ko anga, yi ti da nadjɛ eli inde ma ngapa e pi yi-e de. ⁴⁴ 'Dyi yi ne Djabɛɛ. Yi la di ngamene 'ngú inde li 'dyi yi akunda e-o. A ko bhɛɛ nabhɛɛ kpála nayie li lilita. Ani ɛ bhú kɛkɛɛ 'ngú belegɛ de bini. Padhá de, anga kɛkɛɛ 'ngú bhú ani ade. Nedhinga inde ani ngapa eu lie, ani ngapa 'ngú gba e makpe. Padhá de, anga a ko kpála na eu. A ko la di 'dyi eu. ⁴⁵ Engú bini, ngama-a, ma ngapa kɛkɛɛ 'ngú. Yi ngabhuka ma ade kaka. ⁴⁶ A ko kpála bhedho bhú ká yi-e, i ti da nasuno siti 'ngú inde ma amene e? I dɛ me ma nde ngapa kɛkɛɛ 'ngú-o, ka ni yi bhuka la ma lie de-e? ⁴⁷ Kpála gba Ebhe-e ngadje 'li Ebhe. Engú bini, yi ne okpála gba Ebhe ade. Kaka-a, yi ngadjɛɛ ade.»

Yesu akpo 'ngú pindji Abalahama

⁴⁸ OmaYuda agie pi Yesu me: «Ya apa kɛkɛɛ 'ngú de me mɛ ne kpála na Samalia, a la di bhú mɛ ne siti bua ?» ⁴⁹ Yesu agie pi uo me: «Siti bua bhú ma ade. Engú bini, ma ngadhɛɛ 'Dyi ma. La-a, ngayi-e, yi ngayala nadhɛɛ ma.

⁵⁰ Ngama-a, ma gili de me okpála dhɛɛ ma-a de. 'Dyi ma ngagigili mɛma ngae. Ani la di ngakodho 'ngú-o ngae. ⁵¹ A moko, ma apa pi yi na paká me: kpála inde alila eli inde ma ngapa e, ani kpí dɛdɛma de.»

⁵² OmaYuda atsia apa pi ani me: «Mbia inde-e, ya ambila la kɛkɛɛ me abhú mɛ ne siti bua! Abalahama akpi. Opolofeta di amu. La ngamɛ-o, mɛ ngapa me: «Kpála inde ngalila eli inde ma ngapa e, ani kpí dɛdɛma de.» ⁵³ 'Dyi ya Abalahama akpi. Mɛ ngabhundja me ni ngbéngbé ane ani? Opolofeta di amu. Mɛ la ngau nga naamɛ limɛ me ni ne da?»

⁵⁴ Yesu agie pi uo me: «I dɛ me, ma dɛ adhɛɛ lima ngama makpe-e, nadhɛɛ gba ma-a de padhá. 'Dyi ma ngadhɛɛ ma ngae, a ko kpála inde yi nga'i e me: «A ko Ebhe gba ya-o» ⁵⁵ me yi nde mbila la ani de ko. Engú bini ngama-a, ma mbila

ani hana. I dú me ma pá me ma mbila ani de-e, ma de ne kpála na eu maka yi. Engú bini, ma mbila ani hana. Ma la di ngalila eli inde ani ngapa e-o. ⁵⁶ 'Dyi yi Abalahama akpi nani djali naali. Padhá de, anga ani adu abhundja me ni aú ekpí nago gba ma-o. Ani au, ani atsia akpi djali.» ⁵⁷ Abhomu-o, omaYuda atsia apa pi ani me: «Ngamu-o, mu kolo nga ne kalanga ndjikpa bhuluvue de. Mu la ngapa me, ni au Abalahama!» ⁵⁸ Yesu agie pi uo me: «A moko, ma apa pi yi na paká me kala me u zu Abalahama, «Ma uu.»» ⁵⁹ Abhomu-o, u abha teme ngubula natutulu ani ne di. Engú bini, Yesu awo lie, ani atsia akoto bhú 'ngbé 'ti Ebhe gba omaYuda-o.

9

Yesu akobho kpála inde u azu e me ani nde u 'kpí de

¹ Li Yesu adu akodho 'kpí lie li kpadji-e, ani au kpála bini inde u azu e me ani nde u 'kpí de. ² Omakpata gba ani ayi ani me: «Musuno, u azu kpála inde-e me ani nde u 'kpí de ka ni? A ko ka siti 'ngú gba ani makpe, ne me a ko ka siti 'ngú gba okpála inde azu ani?»

³ Yesu agie me: «A ko ka siti 'ngú gba ani-e de. A ko la di ka siti 'ngú gba okpála inde azu ani-e de. Engú bini, u azu ani mo-o ngubula me okpála u ngamba 'ngú inde li Ebhe ngamene e bhú ani. ⁴ A ayo me ní mene kulu gba kpála inde atima ma-a nedhinga li ekpí nde nga lie ne ngbikpi-o. Padhá de, anga biti ngago, kpála bini ti da namene kulu de. ⁵ Nedhinga ma nde nga lie píla doto-o, ma ne zi 'ke pi okpála na píla doto.» ⁶ Pita ani apa lie mo-o, ani aku ngusu bhú doto. Ani akpødhøle doto ne di. Ani aha ngbødhø ango-o, apulu pí kó djila kpála inde i u 'kpí de ko. ⁷ Abhomu-o, Yesu atsia apa pi ani me: «Nu vulu bhúla mu bhú 'dú 'ngu navulu kute na Siloe.^k» ('li bhomu-o akunda napa me «U atima ani.») Ani anu, ani atsia avulu bhúla e. Ani agie lie me ani nde ngau 'kpí ndjindji! ⁸ Okpála bhende asili kuti lingo ani, di ne obhende au ani kalanu me ani nde ne

^k9:7 'Dú 'ngu navulu kute na Siloe nani abhú aga na Yelusalema.

yoyo 'he-e, a adu ayi me: «A inde-e kpála adu nako adu kuto ngú nayo 'he-e di?»
⁹ Okoko adu apa me: «A ko ani.» Do okpála koko me: «A ko ani de. Engú bini, ani mana ani.» La-a, kpála ango-o adu apa me: «A ko bha-a ma.» ¹⁰ Abhomu-o, u ayi ani me: «Djila mu abhulu lie lele pi?» ¹¹ Ani atsia agie me: «Kpála inde u a'i e me Yesu-o, amene ngbedhe, ani apulu pi kó djila ma. Ani atsia apa mu ma me: «Nu vlu bhúla mu bhú Siloe.» Ma anu oo. Pita ma avlu lima lie, ma aholo nau 'kpí!» ¹² U ayi ani me: «Kpála ango-o su?» Ani agie me: «Ma mbila de.»

Omufalisai ayi kpála inde li djila e akobho-o

¹³ Abhomu-o, u ago ne kpála inde adu kalanu me ani nde u 'kpí de-e pi omufalisai . ¹⁴ Yesu amene nani ngbedhe, ani atsia abhulu djila ani ne di me a nde la ekpi naguo gba omaYuda . ¹⁵ Abhomu-o, omufalisai ayi di ani me djila ani aholo au 'kpí lele pi. Ani agie pi uo me: «Ani apulu ko djila ma ne ngbedhe. Ma avlu lima, ma atsia aholo au 'kpí.» ¹⁶ Omufalisai koko atsia adu apa me: «Kpála amene engú inde-e, ani yie agba Ebhe de. Padhá de, anga ani ngalila líli na ekpi naguo ade.» Engú bini, okoko atsia adu apa naao me: «Kpála na sisiti ti da namene ngua ongamba 'ngú me-e lele pi?» U atsia agbogbo bhusu o.¹

¹⁷ Abhomu-o, omufalisai ayi matá kpála inde li djila e abhulu-o me: «A la mu-o, mo opa naamu li 'ngú gba kpála inde abhulu djila mu-o pi?» Ani agie me: «A ko polofeta .»

¹⁸ Engú bini, ongamási gba omaYuda kanda nani nabhuka de me, ani adu me ani nde u 'kpí de, ani atsia aholo au 'kpí-e de. Kaka-a, u atsia a'i okpála inde azu ani-o. ¹⁹ U ayi uo me: «Kpála inde-e, a ko ndili gba yi na paká? A na paká me yi azu ani me ani nde u 'kpí di? Ani la ngau 'kpí mbia inde-e lele pi?» ²⁰ Okpála inde azu ani-e agie me: «Ya mbila me a ko ndili gba ya. Ya azu ani me ani nde u 'kpí de. ²¹ Engú la bini, maka ani ngau 'kpí lie mbia inde-e, ya mbila naaya de. Ya mbila la di de me abhulu djila ani da-ie de. Yi yi ani, ani abhele, ani ti da nakpokpo 'ngú gba e ngae makpe!» ²² Okpála inde azu ani-e apa nani mo-o, anga

^{9:16} Si-e, omufalisai au me li Yesu akobho kpála lie bhú 'kpí naguo, ani amene bhomu-o kulu. La-a, líli gba Moidje ziba nani namene kulu bhú 'kpí naguo de.

u adu akpe omaYuda. Padhá de, anga omaYuda adje nani lio me, i du me kpála nde aziba me Yesu ne Masiya , u de gbe ani bhú 'ti nadje líli gba Moidje-e magbe. ²³ Kaka-a, okpála inde azu ani-e apa nani me: «Ani abhele, ani ti da nakpokpo 'ngú gba e ngae makpe. Yi yi ani!»

²⁴ Abhomu-o, omuFalisai a'í matá kpála inde adu nako me ani nde u 'kpí de-o. U atsia apa pi ani me: «Dhөгө Ebhe bhú napa kukuú 'ngú. Ya ambila me kpála inde akobho mu bhomu-o, a ko siti kpála.» ²⁵ Kpála angoo atsia agie me: «I du siti kpála, i du siti kpála de, ma mbila naama de. La-a, ma ambila koli 'ngú bini: ma du nako au 'kpí de, engú bini, mbia inde-e, ma ngau 'kpí.»

²⁶ Abhomu-o, u ayi matá ani me: «Ani amene ngú mu pi? Ani abhulu djila mu lele pi?» ²⁷ Ani agie pi uo me: «Ma apa igini pi yi apa. Engú bini, yi dje ma de. Yi akunda matá nadjedje ne toto-o? Atigala yi ngakunda me yi kolo di omukpata gba ani.» ²⁸ U asosobho ani. U atsia apa pi ani me: «Mu mangbo ne mukpata gba kpála bhomu-o ngamu! Ngaya-a, ya naaya ne omukpata gba Moidje . ²⁹ Ya ambila me Ebhe akpokpo 'ngú pi Moidje. Engú bini, ngaani-e, ya mbila de me ani ayie naae su-oie de!»

³⁰ Kpála angoo agie pi uo me: «A ko 'ngú na ngangamba. Yi mbila bili inde ani ayie li e de. La-a, ani abhulu djila ma! ³¹ Ni mbila hana me Ebhe djedje okpála na sisiti de. Engú bini, ani djedje ndu kpála hana inde ngamanga ani, inde di ngamene engú ani akunda e-o. ³² Nani akpo lie, kpála bini dje nga de me u ngapa me kpála bini abhulu djila kpála inde u azu e me ani nde u 'kpí de-e de. ³³ I du me kpála inde-e yie agba Ebhe de-e, ani de ti da namene 'he bini de.» ³⁴ Abhomu-o, u agie pi ani me: «Ngamu-o, 'lá mu libhomu bhú siti 'ngú nayie maka nani u azu mu lie. Mu la ngakunda nasuno 'ngú pi ya?» U atsia agbe ani bhú 'ti nadje líli-e kilidjo.

Okpála i u 'kpí kukuú de

³⁵ Yesu adje me omuFalisai agbe kpála inde li djila e akobho-o kilidjo. Yesu anu abhaka ani, ani atsia ayi ani me: «Mo obhuka Ndili gba kpála-a abhuka?» ³⁶ Ani agie pi ani me: «Musuno, kpála angoo, a ko da, amba ma bhuka ani-e?» ³⁷ Yesu

agie pi ani me: «Mo ou ani au. Ani ngagama 'ngú ne m̄ mbia inde-e ngae.»³⁸ Do kpála angoo me: «Ngámá, ma abhuka.» Ani atsia at̄t̄ lip̄k̄ e kuto kala Yesu.

³⁹ Abhom̄-o, Yesu atsia apa pi ani me: «Ma ago p̄la doto ngú nakodho 'ngú. Ma ago nḡbula me okpála bhende i u 'kpí de-e, u u 'kpí, amba okpála bhende ngau 'kpí-e, 'o nau 'kpí.»

⁴⁰ Om̄Falisai inde ad̄ de ani oo, adje oeli bhom̄-o. U atsia ayi ani me: «Ngaya di-e, ya u 'kpí di?»⁴¹ Yesu agie pi uo me: «Yi d̄ ne okpála bhende i u 'kpí de-e, yi de bhú siti 'ngú ade. Engú bini, maka yi apa lie me: «Ya ngau 'kpí-e», yi nga bha ne okpála na sisiti.»

10

Yesu ne m̄lila na babadha gba okand̄le

¹ Yesu apa me: «A moko, ma apa pi yi na paká me: kpála inde i li bhú aga gba okand̄le li bh̄bh̄-o de-e, engú bini, inde nga'̄ li pabu aga li p̄p̄ koko-o, kpála angoo ne bh̄l̄ 'zi. Ani la di ne bh̄l̄ nagb̄l̄ 'he gba okpála ne kpéke. ² Kpála inde ali la naae li bh̄bh̄-o, a ko m̄lila gba okand̄le-o. ³ M̄lila na 'bh̄ aga-a nga'̄'̄ pi ani. Okand̄le-o ngadje la di 'li ani. Ani nga'i okand̄le gba e bini ne bini li 'li e. Ani la di ngapandja uo kilidjo. ⁴ Li ani apandja uo hana lie kilidjo-o, ani ké kala uo, u tsia holo nakpata ani. Padhá de, anga u mb̄la 'li ani hana.

⁵ Engú bini, kpála bhende u mb̄la e de-e, u kpáta ani de. U kpé de ani tsutsu. Padhá de, anga u mb̄la 'li ani de.»

⁶ Yesu akpokpo gbitaku bhom̄-o pi okpála inde ad̄ adje ani-o. La-a, u mb̄la nani ta engú inde ani ad̄ apa e pi uo-o de.

⁷ Abhom̄-o, Yesu atsia apa matá me: «A moko, ma apa pi yi na paká me: ma ne 'bh̄ aga gba okand̄le-o. ⁸ Nd̄ okpála hana inde ago m̄ma kalan̄-o, a ko obh̄l̄ 'zi. A ko la di obh̄l̄ nagb̄l̄ 'he gba okpála ne kpéke. Engú bini, okand̄le-o dje uo de. ⁹ Ngama-a, ma ne 'bh̄ bhoti. Kpála inde alí li pá b̄li gba ma-a, ani kóbho. Ani tí da nali, ani kóto, ani tsia sía di ehe naz̄ maz̄.

¹⁰ Bh̄l̄ 'zi ago bha naae nḡbula nazi 'he. Ani ago nḡbula nabh̄bh̄le mabh̄le.

Ani ago ngubula nasisiti masiti. La ngama-a, ma ago ngubula me okandele sia mukobho, u sia mukobho ango-o bhele.

¹¹ Ma ne badha mulila gba okandele. Mulila na babadha gba okandele-o bedhe ngu naha mukobho gba e pi okandele gba e-o. ¹² Kpala inde ngamene kulu bha bini ngubula tia-a, a ko kakulu mulila gba okandele-o de. A ko okandele ka ani de. Li ani u me sia ngago-o, ani ha holo, ani 'o ka uo. Abhomu-o, li sia-a ti pi uo, ani tsia tsambala uo. ¹³ Padha de, anga ani ngamene bha nae kulu ngubula tia. Ani la di ne ndjinga uo ade. ¹⁴⁻¹⁵ Ngama-a, ma ne mulila na babadha gba okandele. Maka li 'Dyi ma ambila ma lie, ma atsia ambila di ani-e, ma ambila okandele gba ma-o, okandele gba ma-a atsia ambila di ma. Ma la di bedhe ngu naha mukobho gba ma-a pi okandele gba ma-o. ¹⁶ A ka ma ne okandele koko inde bhu aga inde-e ade. A ayo me ma go di ne uo. U adje 'li ma. U akolo koli piga okandele bini, u tsia du ne koli mulila bini.

¹⁷ 'Dyi ma ngakunda ma, anga ma bedhe ngu naha mukobho gba ma-a, amba pipita-a, ma sia mata. ¹⁸ Kpala bini ha mukobho gba ma-a ne kpeke de. Engu bini, ma ngahaha bha ngama. Ma ne angu ngu nahaha, ma la di ne angu ngu nasisia. Ma asia lili bhomu-o ka 'Dyi ma.»

¹⁹ OmaYuda atsia agbogbo mata bhusu o ka oeli bhomu-o. ²⁰ Bhele bhu ka uo adu apa me: «A abhu ani ne siti bua ! A ko la di bhulu pele! Yi ngadje ani ka ni?» ²¹ Okoko adu apa me: «Kpala inde bhu e ne siti bua-a ti da napa 'ngu mo-o de. Siti bua ti da nabhulu djila okpala inde i u 'kpi de-e uu?»

OmaYuda ayala Yesu

²² Abhomu-o, bhu gudhu na Yelusalema-a, bhu nedhinga na zini-e, u amene anokomia Naleke 'ngbe 'ti Ebhe gba omaYuda-o. ²³ Bhu 'ngbe 'ti Ebhe-e, Yesu adu aduku sa ngba 'ti gba Salomo-o. ²⁴ Abhomu-o, omaYuda asa lio denge ani ngbalina. U atsia apa pi ani me: «Bua ya adu bha ka mu me a nde ala abhula ma gba me-e ngubula ekpi madho? I du me mu nde ne Masiya-a, mu de pa pi ya mbamba.» ²⁵ Yesu agie pi uo me: «Ma apa pi yi apa. Engu bini, yi ziba ma de. Ongamba 'ngu inde ma ngamene e ne 'li 'Dyi ma-a, a ngakpokpo 'ngu gba ma-o.

²⁶ Engú bini, yi bhuka de anga yi ne okandələ gba ma-a ade. ²⁷ Okandələ gba ma-a ngadje 'li ma. Ma ambila uo, u la di ngakpata ma. ²⁸ Ma ngaha mukobho na dudu ma pi uo. U mú dudu ma de. Kpála bini tí la di da nagbulu uo ka ma de.

²⁹ 'Dyi ma inde aha uo mama-a, ani ngbéngbé ane ndu 'ngú hana. Kpála bini tí la di da nagbulu 'he bini ka 'Dyi ma de. ³⁰ Ngaya ne 'Dyi ma-a, koli ya bha bini.»

³¹ Abhomu-o, omaYuda abha matá teme ngú natutulú ani ne di. ³² Yesu agie pi uo me: «Obabadha 'ngú bhelé inde ma asuno e pi yi-e, ayie ka 'Dyi ma. A ko ngubula obabadha 'ngú bhedho yi ngakunda nabhələ ma lie ne teme?»

³³ OmaYuda agie pi ani me: «A ko de me ya ngakunda nabhələ mu ne teme ka badha 'ngú-o de. Engú bini, a ko anga mu ngasobho Ebhe. Ngamu inde bha ne kpála-kuti-e, mu nga'lo limu maka Ebhe.»

³⁴ Yesu agie pi uo me: «U aye bhú líli gba yi-e me, ngama-a, ma apa me: <Yi ne oebhe.†> ³⁵ Ya ambila me, u ti da nabulu engú inde li Bhuku gba Ebhe-e apa e de. Okpála inde li eli gba Ebhe-e akolo nani gba o-o, u a'i uo me oebhe. ³⁶ Engú bini ngama-a, Ebhe abhu ma, ani atsia atima ma pila doto. Lele pi yi ngapa la lie me ma ngasobho Ebhe, anga ma ngapa me ma ne Ndili gba Ebhe-e? ³⁷ I du me ma nde ngamene ngamba 'ngú gba 'Dyi ma ade-e, yi abhúka ma de. ³⁸ I du la me ma nde ngamene ngamba 'ngú gba 'Dyi ma-a, abana yi bhuka ma de-e, yi de bhuka ngabha mbo ongamba 'ngú ango-o. Yi bhuka ongamba 'ngú ango-o ngubula nambila ndjindji me 'Dyi ma ngakobho bhú ma, ma la di ngakobho bhú ani.»

³⁹ Abhomu-o, u agili matá naholo ani. Engú bini, ani atsia akobho sa 'kpa uo.

⁴⁰ Yesu atsia agie matá lie ayi 'ngu na Djuludani, li bili inde li Djaa adu nani abatisa okpála li e kalanu-o. Ani atsia adu oo. ⁴¹ Okpála bhelé ago nabhaka ani. U adu apa me: «Djaa mene ngamba 'ngú belegu de bini. Engú bini, ndu 'ngú hana inde ani apa nani e pindji kpála inde-e, a ko kukulu 'ngú.» ⁴² Oo, okpála bhelé abhuka ani.

11

†10:34 Tsia bhú Ets. 82:6.

Ladjalo akpi

¹ Kpála bini inde adu 'li e me Ladjalo, asi kuo. Ani adu nadu bhú Betania, kuti li Malia ne ndai e Malata adu nadu bhú e-o. ² Malia ne øle inde atuko nani mungotsi li 'dhu Ngámá, ani atsia akuo ne sundjo e-o. Ladjalo inde adu ne kuo-o, nani ne ndai ani. ³ Ondaise ani na olisilisi bhisi bhomu-o, atima kpála ngú napa pi Yesu me: «Ngámá, ali kpála mo okukunda e ne kuo.» ⁴ Li Yesu adje engú bhomu-o lie, ani atsia apa me: «Kuo bhomu-o ngubula nabhøle ani mabhøle ade. Engú bini, a ngubula naha sangu pi Ebhe. A ko la di ngubula me ngama, Ndili gba Ebhe-e, ma sia sangu bhúbhú.»

⁵ Yesu adu ne mukunda pi Malata, ne ndai e na øle, di ne Ladjalo naali. ⁶ La-a, ani adje lie me ali Ladjalo ne kuo-o, ani amene matá 'kpí bhisi li bili abhaka me ani nde li e-o. ⁷ Pipita-a, ani apa pi omukpata gba e me: «Ní gie matá liní bhú ndu doto na Yudaya.» ⁸ Omukpata-a apa pi ani me: «Musuno, a mene nga 'kpí bhelé de, omaYuda adu nako agili nabhøle mu ne teme oo. Mo odji matá bha oo?» ⁹ Yesu agie pi uo me: «Ngbikpi ne saa ndjikpa ne ká bhisi. A mo-o adi? I du me kpála nde ngadhuku ne ngbikpi-e, ani dó 'dhu e de. Padhá de, anga ani ngau zi 'kpí na doto inde-e ndjindji. ¹⁰ Engú bini, i du la me kpála nde ngadhuku sukpe-e, ani dó 'dhu e. Padhá de, anga ani li zi 'kpí ade.»

¹¹ Pita li Yesu apa 'ngú bhomu-o lie, ani atsia apa pi uo me: «Ladjalo, olia ní-e, ani ala. Engú bini, ma adji, amba ma zuku ani.» ¹² Abhomu-o, omukpata gba ani-e atsia apa pi ani me: «Ngámá, i du me ani nde tila-a, ani dú bhú mukobho.» ¹³ A na paká me Yesu adu apa me Ladjalo akpi. Engú bini, omukpata-a adu abhundja naao me ani akpo 'ngú pindji ela inde li okpála alala e-o. ¹⁴ Abhomu-o, Yesu atsia apa pi uo mbámbá me: «Ladjalo akpi. ¹⁵ Ma ne djali pi yi anga ma du nako oo de, amba yi bhuka ma. Engú bini, ní nu nabhaka ani!» ¹⁶ Abhomu-o, Tema (inde u agisila 'li e me Bhuko-o), apa pi omukpata koko me: «Nganí-e, ní nu di oo, ngubula me ní mu ne Musuno bhú dabili bini.»

Malata anu nako lie ne Yesu

¹⁷ Li Yesu akolo lie, ani abhaka me u azi Ladjalo azi, a nde ane nga 'kpí badha.

¹⁸ Kɛti na Betania dɛ nani de gɔdɛ na Yelusalema masikpe de kilometele bata.

¹⁹ A abhaka me omaYuda bhelé nde ago oo ngú nateteke Malata ne Malia ka li ndai uo na bhobhoko-o akpi lie ko.

²⁰ Li Malata adje lie me Yesu akolo de kɛti masikpe-e, ani anɛ akɛ lie ne ani li kpadji. Engú bini, Malia adɛ naae akɛti. ²¹ Abhomɛ-o, Malata atsia apa pi Yesu me: «Ngámá, mɛ dú nako si-e, ndai ma de kpi de. ²² Engú bini, ma ambila me belegu mbia inde-e, Ebhe ti da naha ndɛ 'he hana inde mo oyó e ka ani-e pi mɛ.»

²³ Yesu apa pi ani me: «Ndai mɛ azúku mazuku.» ²⁴ Malata agie pi ani me: «Ma ambila me ani azúku li 'kpí li okpála inde amu-o, azúku lie li sokpí-o.»

²⁵ Yesu apa pi ani me: «Kpála nazuku okpála-a, a ko ma. Kpála naha la di mɛkobho pi okpála-a, a ko ma. Kpála inde abhuka ma-a, abana ani kpi, ani kóbho.

²⁶ La di-e, kpála ne kpála inde bhú mɛkobho, inde abhuka la di ma-a, ani kpí dɛdɛma de. Mo obhuka mo-o?» ²⁷ Malata agie me: «A moko, Ngámá, ma abhuka me mɛ ne Masiya , Ndili gba Ebhe. Kpála inde a ayo me ani go píla doto ko.»

Malia anɛ di nakɛ lie ne Yesu

²⁸ Pita ani apa 'ngú bhomɛ-o lie, Malata anɛ a'í ndai e Malia. Do ani pi ani bhú tɛpele me: «Mɛsuno aoo. Ani nga'í mɛ.» ²⁹ Li Malia adje lie mo-o, ani ayie kolo bhúlá má kia! Ani atsia anɛ abhaka Yesu. ³⁰ A adɛ me Yesu nde kolo nga bhú kɛti na Betania de. Engú bini, ani adɛ ngabha li bili inde li Malata anɛ akɛ lie ne ani li e ko. ³¹ Li omaYuda inde adɛ abhú 'ti ngú nateteke Malia au lie me ani ayie bhúlá ne nakoto kilidjo bhú holo-o, u atsia akpata ani. Padhá de, anga u adɛ abhundja naao me ani adji aku 'gba apí lata.

³² Malia akolo li bili li Yesu adɛ li e-o. Ani au Yesu lie, ani ati bhú li 'dhɛ ani. Ani atsia apa pi ani me: «Ngámá, mɛ dú nako si-e, ndai ma de kpi de.» ³³ Yesu au me ani ngaku 'gba di ne okpála inde ago ne ani bhú dabili bini-o. Ani asia likabhu naali li bua e. Mabhundja gba ani-e atsia angbingi di. ³⁴ Abhomɛ-o, ani atsia ayi uo me: «Yi azi ani su?» U agie pi ani me: «Ngámá, gogo, amba mɛ u.» ³⁵ Yesu aku 'gba. ³⁶ Abhomɛ-o, omaYuda atsia apa me: «Yi u maka ani akɛnda nako ani lie ko!» ³⁷ Engú bini, okpála koko bhú ká uo atsia apa me: «Ngaani inde

abhulu nako djila kpála inde i u kpí de-e, ani ti da nako namene de me Ladjalo akpí de-e di?»

Yesu azuku Ladjalo

³⁸ Abhomu-o, Yesu asia matá likabhu naali li bua e. Ani anu abhú lata. A adu nani lata inde u adji e bhú teme. U ani nani bhobho ne teme na ngbéngbé.

³⁹ Abhomu-o, Yesu atsia apa me: «Yi 'e teme-o.» Malata, ndai kpála inde akpi-e, apa pi ani me: «Ngámá, se ani aholo napu aholo. Padhá de, anga ani amene nga satø 'kpí badha.» ⁴⁰ Yesu agie pi ani me: «Ma pa igini pi mu de me, i du me mu nde abhuka ma-a, mu ú sango gba Ebhe-e di?»

⁴¹ Abhomu-o, u a'e teme-o. Yesu atsia 'kpí ne bhúlá, ani atsia apa me: «'Dyi ma, ma ngagie heni pi mu, anga mo odje ma. ⁴² Ma ambila ndjindji me mu ngadje ma ndu 'kpí hana. Ma ngapapa mo-o ka okpála inde asa lio dengo ma inde, amba u bhuka me, mo otima ma ngamu.» ⁴³ Ani apa 'ngú bhomu-o lie, ani asula kpekpeke me: «Ladjalo, koto ei!»

⁴⁴ Ladjalo akoto. Ani akoto me 'dhu ani, di ne 'kpa ani nde agbigbite lie ne opapala bongo . Bhúla ani nde agbite la di lie ne bongo. Yesu atsia apa pi uo me: «Yi bhulu ani, amba yi 'o ani, ani tapa.»

Ongámási gba omaYuda adje lio ngú nabhøle Yesu

(Tsia bhú Mat. 26:1-5, ne bhú Mlk. 14:1-2, di ne bhú Luk. 22:1-2.)

⁴⁵ Abhomu-o, omaYuda bhelé bhú ká okpála inde ago gba Malia au engú inde li Yesu amene e-o. U atsia abhuka Yesu. ⁴⁶ Engú bini, okoko bhú ká uo anu abhaka omuFalisai . U akpokpo 'ngú inde li Yesu amene e pi uo. ⁴⁷ Abhomu-o, ongbengbe odimandø gba Ebhe , di ne omuFalisai apo bhúla o bhú 'ngbé bula. U atsia apa me: «Kpála inde-e ngamene ongamba 'ngú bhelé. Ní améne si pi? ⁴⁸ I du me ní nde a'o me ani du bha anu ne di ne kalanu me-e, ndu okpála hana bhúka ani. Pipita-a, okpála na gudhu na Loma kólo ne angu. U bhøle 'ngbé 'ti Ebhe gba ní-o. U tsia bhøle la di kuti gba ní-o!»

⁴⁹ Kpála bini adu bhú ká uo. A adu 'li ani me Kaifa. Ani adu bhele kpála gba odimandø bhú kalanga bhomu-o ngae. Ani apa pi uo me: «Ngayi-e, yi mbila 'ngú

de! ⁵⁰ Yi mbila de me a pi yi ndjindji me kpála bini kpi pi ndu okpála hana, amba kati libhomu akpí de-e di?» ⁵¹ La-a, ani du apa 'ngú bhomu-o bhú ngu e de. Engú bini, a adu la lie me ani nde ne bhele kpála gba odimandé bhú kalanga bhomu-o ngae-e, ani atsia apa 'ngú maka polofeta me: «A ayo me Yesu kpi ngubula kati gba omaYuda-o. ⁵² Ani kpi bha bini ngubula omaYuda de. Engú bini, ani kpi ngubula me ni po bhúla ongisi gba Ebhe inde atsambala ne bili ngangá-a bhú piga bini.»

⁵³ Nayie li 'kpí bhomu-o, ongámási gba omaYuda atsia adje lio me o bhole Yesu. ⁵⁴ Kaka-a, Yesu du matá adholo mbámbá bhú ká omaYuda de. Ani atapa bhú gudhu na Efalaimé, bhú ndu doto inde de egu-o. Abhomu-o, ani atsia adu ne omakpata gba e oo.

⁵⁵ Pasika gba omaYuda akolo masikpe. Kaka-a, okpála bhelé na kati angoo atsia anu bhú gudhu na Yelusalema ngubula me o vuru lio, amba o du pi Ebhe bubu kala anokomia-o. ⁵⁶ Abhomu-o, u adu agili Yesu. U alulu bhú 'ngbé 'ti Ebhe gba omaYuda-o. U atsia adu ayi lio sunda o me: «Yi abhundja pi? Ani agó bha ndju bhú anokomia inde-e mago? Ne me, ani gó-o de?» ⁵⁷ Ongbengbe odimandé gba Ebhe, di ne omuFalisai aha nani líli me: «I du me kpála nde ambila bili inde li Yesu nde lie-e, ani de pa, amba u nu holo ani.»

12

Malia atuko mungotsi li 'dhu Yesu

(Tsia bhú Mat. 26:6-13, di ne bhú Mlk. 14:3-9.)

¹ Abhomu-o, ekpí madhia kala Pasika-a, Yesu anu bhú kati na Betania. A bhomu-o bili inde li Ladjalo, kpála inde li Yesu azuku e adu nadu li e-o. ² Oo, u aha ezu pi ani, Malata atsia adu a'o'o kala ani. Ladjalo atsia adu di bhú ká okpála inde adu azu 'he bhú dabili bini ne Yesu-o. ³ Abhomu-o, Malia aha gili bini inde li mungotsi na mase naali adu bhú e-o. U amene nani mungotsi angoo bha li

ndula inde 'li e me nalade.^m Aní aha, aní atuko lí 'dh̄ Yesu. Aní akuo 'dh̄ aní ne sundjo e. Bádha se m̄ngotsi ango-o atsia aha eti-e libhomu.

⁴ Engú bini, Yuda Ísikaliote, s̄ka om̄kpata gba Yesu, kpála inde apú aní pí obh̄l̄ yala-a, atsia apa me: ⁵ «A ayo iginí de me u tsindjì m̄ngotsi inde-e lí lí denalio kámá bata, amba u ha falanga ango-o pí obh̄l̄ ndibhili-e dí?» ⁶ La-a, a ko de me aní apa mo-o, anga aní ad̄ ne ndjinga obh̄l̄ ndibhili-e de. Engú bini, a ko anga aní ad̄ bh̄l̄ 'zi. Padhá de, anga aní ad̄ la alila gba tia lie ngae-e, aní ad̄ azi tété. ⁷ Engú bini, Yesu atsia apa me: «'O ēl̄e bhom̄! Padhá de, anga engú inde aní amene e, a nḡbula ekpí inde u azí ma lie bh̄ lata ko. ⁸ Padhá de, anga yí ad̄ bh̄ dabili bini ne obh̄l̄ ndibhili nd̄ 'kpí hana. Engú la bini, ngama-a, ní d̄ ne yí nd̄ 'kpí hana de.»

Ongbengbe odimand̄ adje lío ngú nabh̄le Ladjalo

⁹ Abhom̄-o, bhiti omaYuda adje me Yesu abh̄ k̄tì na Betania, u atsia an̄ oo. U n̄ oo bha bini nḡbula Yesu de, engú bini, u an̄ di me o u Ladjalo inde lí Yesu azuku e-o. ¹⁰ Abhom̄-o, ongbengbe odimand̄ gba Ebhe-e atsia adje lío me o bh̄le di Ladjalo. ¹¹ Padhá de, anga omaYuda bh̄lé ad̄ a'o ká uo, u atsia ad̄ abhuka Yesu ka engú gba Ladjalo-o.

Yesu alí bh̄ ḡdh̄ na Yelusalema

(Tsia bh̄ Mat. 21:1-11, ne bh̄ Mk. 11:1-11, di ne bh̄ Luk. 19:28-40.)

¹² Ekpí bhe pipita-a, bhiti okpála na bh̄bhiti inde ago bh̄ anokom̄ia na Pasika adje me Yesu adji bh̄ ḡdh̄ na Yelusalema. ¹³ Abhom̄-o, u abha 'kpá ngulu, u aze ngú nan̄ nak̄e lío ne aní. U atsia ad̄ as̄s̄ula me:

«Sangu pí Ebhe!

A ayo me Ebhe Ngámá tuko bisagu pí kpála inde ngago ne 'li aní-o!

A ayo me Ebhe tuko bisagu pí 'ngbé Ngámá gba omaIsalaele-o!†»

¹⁴ Yesu au ndilí punda, aní atsia a'̄ pí 'ngb̄ aní maka lí Bhuku apa lie me:

^m12:3 *Nalade*: A ko m̄ngotsi inde u amemene e lí 'kpá ulu. Tsia bh̄ Mat. 26:7.

†12:13 Tsia bh̄ Ets. 118:25-26.

¹⁵ «Gɔdɔ na Siona , mo odjé tsulɔ de!

Tsitsia, 'ngbé Ngámá gba mɔ-o ngago,
ani adɔ pí 'ngbɔ ndili punda na ɔɔɔ.†»

¹⁶ Li nedhinga bhomɔ-o, omɔkpata gba ani-e mbila nga nani ta engú ang-o de. La li nedhinga inde li Yesu asia sangu gba e lie, u atsia abhundja me u aye nani ongú bhomɔ-o bhú Bhuku gba Ebhe-e pindji ani. U atsia amene pi ani.

¹⁷ Abhomɔ-o, bhiti okpála inde adɔ nani bhú dabili bini ne ani li nedhinga inde ani a'i Ladjalo lie me ani koto bhú lata-a, ani atsia azuku di ani-e, adɔ akpokpo 'ngú inde u au e-o. ¹⁸ Kaka-a, bhiti okpála ang-o abhaka ani. Padhá de, anga u adje nani me ani amene ngamba 'ngú bhomɔ-o. ¹⁹ Abhomɔ-o, omɔFalisai atsia apa sɔnda o me: «Yi au, ní ti da namene 'he bini de. Ndɔ okpála hana agbida nganda ani!»

OGiliki koko agili Yesu

²⁰ OGiliki koko adɔ bhú ká okpála inde ago bhú gɔdɔ na Yelusalema ngú nadhɔgɔ Ebhe bhú anokomia-o. ²¹ U adyudyo lio de Filipino, kpála na gɔdɔ na Betesaida, bhú ndu doto na Galilaya. U atsia apa pi ani me: «Mɔsuno, ya akɔnda nau Yesu.» ²² Filipino anɔ apa pi Andili. Pipita-a, ndɔ uo bhisi hana atsia anɔ apa pi Yesu. ²³ Yesu agie pi uo me: «Mbia inde-e, a ko nedhinga inde a ayo lie me Ndili gba kpála sia sangu gba e-o. ²⁴ A moko, ma apa pi yi na paká me: i dɔ me lí ngano bini nde ati bhú doto, i kpi de-e, i tígala bha ngae kpi e kpi. Engú bini, i dɔ la me a nde akpi-e, i lí lílí bhelé. ²⁵ Kpála inde akɔnda mɔkobho gba e, ani kpí. Engú bini, li kpála bini kɔnda Ebhe ane mɔkobho gba e píla doto inde-e, mɔkobho ang-o líla lie, li kpála ang-o tsia sía di mɔkobho na dɔdɔma. ²⁶ I dɔ me kpála nde akɔnda namene kulu lie mɔma-a, a ayo me kpála ang-o kpata ma. La di-e, bili inde ma adú li e, kpála na kulu gba ma-a adú bhadi oo. 'Dyi ma adhɔgɔ kpála inde ngamene kulu mɔma ko.»

Yesu akpo 'ngú pindji nakpi ka e

†12:15 Tsia bhú Djkl. 9:9.

²⁷ «Mbia inde-e, bua ma ngadje likabhu. Ma apá la pí? Ma pá de me, <'Dyi ma, kobho ma li nedhinga inde-e de.» Padhá de, anga ma ago ngubula nedhinga ang-o. ²⁸ 'Dyi ma-e, dhøgø 'li mæ!» Abhomæ-o eli ayie abhúlá, atsia apa me: «Ma adhøgø ani adhøgø. Ma adhégo la matá ani madhøgø.» ²⁹ Abhomæ-o, bhiti okpála inde adæ oo, inde adje la di eli ang-o, adæ apa me: «Mægbálá asula bhomæ-o ngæ!» Okoko atsia adæ apa me: «Andjelu bini agama 'ngú pí ani ngæ.» ³⁰ La-a, Yesu apa pí uo me: «Eli bhomæ-o pa lie ka 'ngú ka ma de. Engú bini, a apa lie ka 'ngú ka yi. ³¹ Mbia inde-e, u akódho 'ngú gba okpála na píla doto. Mbia inde-e, u ató holo bhú 'dhæ ngámá na doto inde. ³² La ngama-a, li nedhinga inde u a'é'e ma lie abhúlá-a, ma agbéle ndæ okpála hana li pápá gba ma.» ³³ Yesu adæ apa 'ngú bhomæ-o ngú nasuno lele maka ani akpí lie-o.

³⁴ Abhomæ-o, bhiti okpála-a atsia agie pí ani me: «Ya adje bhú bhuku na líli me Masiya adú dæduma ne dæduma. Lele pí mæ ngapa lie me u a'é'e Ndili gba kpála abhúlá? Ndili gba kpála ang-o ne da?» ³⁵ Abhomæ-o, Yesu atsia agie pí uo me: «Zi 'ke nga matá bhú ká yi ngubula nedhinga bedi. Yi dhækæ bhú nedhinga inde yi nde nga lie ne zi 'ke, ngú nakpe me biti ahólo yi bhú gbilikiti de. Padhá de, anga kpála inde ngadhækæ bhú biti-e mbila bíli inde ani adjí lí e de. ³⁶ Nedhinga yi nde lie ne zi 'ke-e, yi bhuka zi 'ke ang-o, amba yi kolo ongísi na zi 'ke.» Píta lí Yesu apa engú bhomæ-o lie, ani atapa, ani atsia anæ awo lie de uo tsutsu.

OmaYuda bhuka Yesu de

³⁷ Abana lí Yesu amene ongamba 'ngú lie bhelé-e, omaYuda dæ abhuka ani de. ³⁸ U dæ abhuka ani de ngubula napa me engú inde lí polofeta Ísaya apa e-e, a mene lie, engú inde me:

«Ngámá, abhuka engú inde ya adæ apa e da?

Ngámá apana angu gba e pí da?†»

³⁹ Ísaya apa di nani me, ka ní lí okpála bhomæ-o tí nani da nabhuka lie de-e. Ani apa me:

⁴⁰ «Ebhe agbite djila uo.

†12:38 Tsia bhú Ísa. 53:1.

Ani adji bua uo maka teme,
ngɔbula me u aú 'kpí de,
ngɔbula me u ambíla 'ngú bini de,
di me u adjí bua o de,
amba Ebhe akóbho uo de.†»

⁴¹ Isaya apa engú bhomɔ-o, anga ani au nani sangu gba Yesu-o. Ani atsia akpokpo di 'ngú pindji ani. ⁴² La-a, belegɔ bhú ká ongámási gba omaYuda-a , bhelé abhuka Yesu. Engú bini, ka nakpe omɔFalisai-e, u dɔ apa engú ango-o mbámbá de. Padhá de, anga u adɔ akpe me, u apándja o bhú 'ti nadje líli gba Moidje de. ⁴³ U adɔ akɔnda me okpála dhөгө o ane me Ebhe dhөгө o ngae.

Kpála inde abhúka 'li Yesu-o, ani kóbho

⁴⁴ Yesu asɔla me: «Kpála inde abhuka ma-a, ani bhuka bhomɔ-o ma de. Engú bini, ani abhuka kpála inde atima ma ko. ⁴⁵ Kpála inde ngau ma-a, ani ngau bhomɔ-o kpála inde atima ma-o. ⁴⁶ Ngama-a, ma ago píla doto maka zi 'ke, ngɔbula me ndɔ okpála hana inde abhuka ma-a, adú bhú biti de. ⁴⁷ I dɔ me kpála nde adje 'li ma-a, ani lila de-e, ma kódho 'ngú gba ani-e ngama de. Padhá de, anga ma go ngɔbula na'o 'ngú pí okpála de. Engú bini, ma ago ngú nakobho uo. ⁴⁸ Kpála inde ayala ma-a, inde i ziba di 'li ma de-e, u akódho 'ngú gba ani-o. Eli inde ma apa e, eli ango-o akódho 'ngú gba ani lí sokpí-e ngae. ⁴⁹ Padhá de, anga ma pa 'ngú gba ma makpe de. 'Dyi ma inde atima ma-a, aha líli mɔma ngae makpe ngɔbula ndɔ 'ngú hana inde a ayo me ma pa e, di ne bhende a ayo me ma kpokpo e-o. ⁵⁰ Padhá de, anga ma ambíla me líli gba ani-e ngaha mɔkobho na dɔdɔma. Kaka-a, ndɔ 'ngú hana inde ma ngapa e, ma ngapapa maka lí 'Dyi ma apa mɔma líe ko.»

13

Yesu avɔlɔ 'dhɔ omɔkpata gba e

†12:40 Tsia bhú Isa. 12:40.

¹ A adu nani ekpí kala anokomia na Pasika . Yesu ambila nani me nedhinga nayie ka ni pfla doto inde-e, ngú nanu agba 'Dyi ni-e akolo. Ani adu akunda okpála gba e inde pfla doto-o. Ani akunda uo akolo ali soso.

² Yesu ne omukpata gba e adu azu 'he tagolo. A adu me Djabulu nde a'o li bua Yuda, ndili gba Simo Isikaliote, me ani pu Yesu pi obhulu yala. ³ Yesu ambila nani ndjindji me ngani makpe-e, ni ayie agba Ebhe. Ani atsia ambila la bhadi ndjindji me ni agie lini agba Ebhe, la di me 'Dyi ni a'o ndu 'ngú hana sa 'kpa ni. ⁴ Ani ayie bhúla, ani ayie li bili nazu 'he-o. Ani agbe bongo inde u adyidi e pí bongo koko-o. Ani aha pála bongo, ani agbite ludu e. ⁵ Píta-a, ani aha engu, ani atuko bhú base. Ani aholo navulu 'dhu omukpata gba e ne di. Ani atsia adu akukuo ne bongo inde ani agbite e ludu e-o.

⁶ Ani akolo li Simo Piele. Do Piele pi ani me: «Ngámá, mo ovulu bha ndju 'dhu ma ngamu makpe?» ⁷ Yesu atsia agie pi ani me: «Engú inde ma ngamene e mbia inde-e, mu mbila de. Engú bini, mo ombila sidi.» ⁸ Piele apa pi ani me: «A mo-o ade. Mu vulu 'dhu ma belegu de bini!» Yesu atsia agie pi ani me: «I du me ma nde vulu 'dhu mu de-e, mu ti da nazu bhú dabili bini ne ma de.» ⁹ Simo Piele apa pi ani me: «Ngámá, mo ovulu bha bini 'dhu ma de. Engú bini, vulu di 'kpa ma, ne 'ndji ma!» ¹⁰ Yesu apa pi ani me: «Kpála inde avulu kute e avulu-o, kute ani libhomu akolo ndjindji. Ani tí matá da navulu kute e de. Engú bini, ani vulu bha ibili 'dhu e. Ngayi-e, yi bubu. La-a, yi bubu ndu yi hana ade.» ¹¹ Yesu apa 'ngú bhomu-o anga ani adu ambila ndjindji me, apú ni pi obhulu yala da-ie. Kaka-a, ani atsia apa me: «Yi ndu yi hana bubu ade.»

¹² Pita ani avulu 'dhu uo lie, ani aha bongo gba e, ani adyi. Ani agie lie li bili nazu 'he-o. Ani atsia apa pi uo me: «Yi mbila ta 'ngú inde ma amene e li yi-e uu?» ¹³ Yi nga'i ma me: «Musunu», yi la di nga'i ma me: «Ngámá.» A ko kakulu 'ngú, anga ma mo-o. ¹⁴ I du me ngama, inde ne Ngámá, inde la di ne Musunu-o, ma nde avulu 'dhu yi-e, ngayi di-e, yi de vulu 'dhu yi sunda yi moko. ¹⁵ Ma asuno pi yi bhomu-o me amba ngayi di-e, yi mene maka ma amene pi yi lie ko. ¹⁶ A moko, ma apa pi yi na paká me, kpála na kulu ngbéngbé ane ngámá gba e ade. La di-e, bhulu titima ngbéngbé ane kpála inde atima ani-e ade. ¹⁷ Mbia inde-e, yi ambila

ndu ongú bhomu-o hana ambila. A ko djali pi yi, i du me yi nde ngamene ongú ango-o.

¹⁸ Engú inde ma ngapa e, a pi ndu yi hana ade. Ma mbila okpála inde ma abhu o-o hana. Engú bini, a ayo me engú inde u aye e bhú Bhuku gba Ebhe-e , a mene lie, engú inde me: «Kpála inde ya adu azu 'he ne e bhú dabili bini-e, adji lie bhulu yala gba ma.»[†] ¹⁹ Ma apa pi yi mbia inde-e kala nakolo ka ongú ango-o, amba li engú ango-o akólo lie, yi bhuka me ngama-a «Ma uu.» ²⁰ A moko, ma apa pi yi na paká me: i du me kpála nde asia kpála inde ma atima e, amba ani asia bhomu-o ma. I du la di me kpála nde asia ma-a, amba ani asia bhomu-o kpála inde atima ma-o.»

Yesu apa me Yuda apú ni pi obhulu yala gba ni-o

(Tsia bhú Mat. 26:20-25, ne bhú Mlk. 14:17-21, di ne bhú Luk. 22:21-23.)

²¹ Pita li Yesu apa ongú bhomu-o lie, ani asia likabhu li bua e naali. Ani atsia apa mbámá me: «A moko, ma apa pi yi na paká me: saka yi bini apú ma pi obhulu yala gba ma-o.» ²² Omukpata-a aholo natsitsia bhúla o. U du ambila de me Yesu ngapa inde-e engú gba da-ie de. ²³ Li nedhinga u adu azu 'he lie, saka omukpata gba Yesu inde li Yesu adu akunda e naali-e, aseke 'ndji e pí mbulu ani. ²⁴ Abhomu-o, Simo Piele amene 'kpa e pi mukpata ango-o me, ani yi Yesu me ani ngapa engú gba da. ²⁵ Abhomu-o, mukpata ango-o adji bhúla e li pápá gba Yesu. Ani atsia ayi Yesu me: «Ngámá, a ko e da?»

²⁶ Yesu agie pi ani me: «Ma ngatunu mapa bhú 'mu 'zu-o, kpála inde ma ahá pi e-e, a ko ani.» Abhomu-o, Yesu aha mapa, ani atunu bhú 'mu 'zu-o. Pipita-a, ani atsia aha pi Yuda, ndili gba Simo Isikaliote. ²⁷ Bha li nedhinga li Yuda aha mapa-a lie, Satana ali bhú ani. Yesu atsia apa pi ani me: «Engú inde mu nde ne e, mene má gala!» ²⁸ Kpála bini bhú ká okpála inde u adu azu 'he ne o-o mbila de me ani apa pi Yuda mo-o ka ni-ie de. ²⁹ Li Yuda adu alila tia lie ngae, kaka-a, okpála koko adu abhundja naao me, ani apa pi Yuda me ani kala ezu inde a ayo

[†]13:18 Tsia bhú Ets. 41:10.

me u kala e ngú anokomia-o, ne me ani ha mbo ehe pi obhulɛ ndibhili. ³⁰ Li Yuda aha ndu mapa lie, kolo má gala me-e, ani akoto kilidjo. A adɛ me ekpí nde abi.

Líli na mbia

³¹ Pita li Yuda akoto lie, Yesu atsia apa me: «Mbia inde-e, Ndili gba kpála, asia sangu gba e asia. Ebhe asia la di sangu ka ani. ³² Maka li Ebhe asia sangu ka ani lie, Ebhe asúno ngae makpe sangu gba ani-o. Ani asúno má gala! ³³ Odi ma, ní dú matá ne yi ngɛbula 'kpí bhelé de. Pipita-a, yi agíli ma. Engú la bini, ma ngapa pi yi mbia inde-e engú inde ma apa e pi omaYuda koko me, yi ti da nanɛ li bili inde ma adji li e de. ³⁴ Ma ngaha pi yi-e líli na mbia. Líli inde me yi dɛ ne mɛkɛnda sɛnda yi. A ayo me yi dɛ ne mɛkɛnda sɛnda yi maka ma nde lie ne mɛkɛnda pi yi ko. ³⁵ Padhá de, anga i dɛ me yi nde ne mɛkɛnda sɛnda yi-e, li ndɛ okpála hana mbíla me yi ne omɛkpata gba ma-o.»

³⁶ Simo Piele ayi ani me: «Ngámá, mo odji su?» Yesu agie pi ani me: «Mɛ ti da nakpata ma li bili ma adji li e mbia inde-e de. Engú bini, mo okpáta ma sidi.»

³⁷ Piele apa pi ani me: «Ngámá, ma ti da nakpata mɛ mbia inde-e de ka ni? Ma bedhe ngú nandala 'kpa li mɛkobho gba ma-a ngɛbula mɛ!» ³⁸ Yesu agie pi ani me: «Mɛ bha ndjɛ bedhe ngú nandala 'kpa li mɛkobho gba mɛ-o ngɛbula ma? A moko, ma apa pi mɛ na paká me, kala me engɛ ku 'gbá-a, mo opá bhɛtsibhɛtsi bata me ni mbila ma de.»

14

Yesu ne kpadji ngú nanɛ agba Ebhe

¹ Yesu apa pi omɛkpata gba e me: «Yi a'ó bua yi abhúlá de. Yi bhuka Ebhe, yi bhuka di ma. ² Abhú 'tí gba 'Dyi ma-a, dabili nadɛ tété-e bhelé. Ma adji naleke dabili pi yi. I dú mo-o de-e, ma de apa pi yi apa. ³ Pita nanɛ ka ma naleke dabili pi yi-e, ma agó matá, ma atsia há yi ngú nadɛ bhú dabili bini ne yi, amba bili inde ma ngadɛ li e, yi dɛ bhadi tété. ⁴ Yi mbila la di kpadji na bili inde ma adji li e hana.»

⁵ Tɛma apa pi ani me: «Ngámá, ya mbila bili mo odji li e de. Ya ti da nambila

kpadji-e lele pi?» ⁶ Yesu agie pi ani me: «Ma ne kpadji. Ma ne kəkəkə 'ngú. Ma la di ne məkobho. Kpála bini ti da nanə agba 'Dyi ma li kpadji koko de, bha bini me ani nde apə li pápá gba ma. ⁷ I də me yi nde ambila ma-a, yi mbila di 'Dyi ma. Nayie pi mbia inde-e, yi mbila ani hana. Yi au la di ani au.»

⁸ Filipino apa pi ani me: «Ngámá, pana 'Dyi mə pi ya, amba ale pi ya.» ⁹ Yesu agie pi ani me: «Filipo, enú ní abhue lie ne yi ngengele-e, mə mbila nga ma si di? Kpála inde au ma-a, ani au 'Dyi ma au. La ka ni mə ngapa lie me: «Pana 'Dyi mə pi ya?» ¹⁰ Mə bhuka de me ma ngadə bhú 'Dyi ma, 'Dyi ma la di ngadə bhú ma-a di? Oeli inde ma ngapa e pi yi-e, ayie ka ma makpe de. Engú bini, 'Dyi ma inde ngadə bhú ma-a, ani ngamene kulu gba e-o. ¹¹ Yi bhuka ma, maka ma apa lie pi yi me ma ngadə bhú 'Dyi ma, 'Dyi ma la di ngadə bhú ma-o. I də mo-o de-e, yi de bhuka ka kulu inde ma ngamene e-o. ¹² A moko, ma apa pi yi na paká me: kpála inde abhuka ma-a, ani améne bhadi okulu inde ma ngamene e-o. Ani améne belegə okulu na ngbengbengbe ane bhende-e mane. Padhá de, anga ma adji agba 'Dyi ma. ¹³ Ma améne ndə 'ngú hana inde yi ayó e ne 'li ma-a mamene, ngəbula me 'Dyi ma sia sangu gba e bhú ma, Ndili gba e ko. ¹⁴ I də me yi nde ayo 'he ka ma ne 'li ma-a, ma améne.

Ebhe atíma Bu Bhobua pi obhulə titima gba Yesu

¹⁵ I də me yi nde akənda ma-a, yi líla olíli gba ma-o. ¹⁶ Ma ayó ka 'Dyi ma me ani ha kpála koko ngú nateteke yi. Ani adú ne yi dədəma ne dədəma. ¹⁷ A ko Bua na kəkəkə 'ngú inde li okpála na pila doto ti da nasia e de. Padhá de, anga u u ani de. U mbila la di ani de. Engú bini, ngayi-e, yi mbila ani hana, anga ani ngadə bhú ká yi. Ani la di ngadə bhú yi. ¹⁸ Ma 'ó ká yi kpi yi kpi maka otsulosi de. Engú bini, ma agie matá lima agba yi magie. ¹⁹ Atigala nedhinga bedi, okpála na pila doto ú matá ma de. Engú bini, ngayi-e, yi aú ma, anga ma bhú məkobho. Ngayi di-e, yi adú bhú məkobho. ²⁰ Li 'kpí ang-o, yi ambila me ma ngadə bhú 'Dyi ma, yi ngadə bhú ma, ma la di ngadə bhú yi. ²¹ Kpála inde akənda ma-a, a ko kpála inde ngalila, di ne namene olíli gba ma-o. 'Dyi ma akənda kpála inde akənda ma-o. Li ma kənda di ani. Ma tsia pána lima pi ani.»

²² Abhomɔ-o, Yuda (a ko Yuda Isikaliote de) apa pi Yesu me: «Ngámá, mo opána bha bini limɔ pi ya, lele pi mɔ tsia pána limɔ pi okpála na ṕla doto lie de-e?» ²³ Yesu agie pi ani me: «I dɔ me kpála nde akɔnda ma-a, ani méne engú inde ma ngapa e-o. Li 'Dyi ma kúnda ani. Ngaya ne 'Dyi ma-a, ya agó agba ani, ya tsia dúlɔ oo ko. ²⁴ Kpála inde i kɔnda ma de-e, ani méne oeli ma ngapa e de. Engú inde yi ngadje ma ngapa e, a ngayie ka ma ade. Engú bini, a ngayie ka 'Dyi ma inde atima ma ko.

²⁵ Ma apa ongú bhomɔ-o pi yi li nedhinga inde ní nde ngabha lie ne yi bhú dabilí bini-o. ²⁶ 'Dyi ma atíma Bu Bhobua pi yi ne 'li ma. Ani atéteke yi ngae. Bu Bhobua ango-o asúno ndɔ 'ngú hana pi yi ngae. Ani tsia méne di me yi bhundja ndɔ 'ngú hana inde ma apa e pi yi ko. ²⁷ Ma a'o pi yi guo 'ngú . Ma aha guo 'ngú gba ma-a pi yi. Ma ha pi yi maka li okpála na ṕla doto ngahaha lie de. Kaka-a, yi a'ó bua yi abhúlá de. Yi adjé la di tsɔlɔ de. ²⁸ Yi adje maka ma apa lie pi yi me: «Ma adji, engú bini, ma agíe matá lima agba yi magie.» I dɔ me yi kúnda ma uu-o, yi de kpí djali kabula me ma adji agba 'Dyi ma. Padhá de, anga 'Dyi ma ngbéngbé ane ma. ²⁹ Ma apa pi yi mbia inde-e kala me ongú ango-o kolo, amba i kolo-o, yi de bhuka. ³⁰ Ma gáma matá 'ngú ne yi ngengele de, anga ngámá na ṕla doto inde-e ngago. Ani ne angu pí ma belegɔ ade bini. ³¹ Engú bini, a ayo me okpála na ṕla doto mbila me ma kɔnda 'Dyi ma. U mbila la di me ma ngamene olíli inde ani aha e mɔma-o. Yi yie bhúlá! Ní yie si yiyie.»

15

Yesu ne ndula na vino na kɔkɔlɔ

¹ «Ma ne ndula na vino na kɔkɔlɔ. 'Dyi ma la ne kpála inde ngaleleke-o. ² Ani nga'e ndɔ yáyá hana inde akɔ li ma inde i li lílí de ko. Engú bini, ani ngaleke obhende ngali lílí-o, amba a li matá lílí bhelé. ³ Eli inde ma apa e pi yi-e, avɔlɔ yi avɔlɔ. ⁴ Yi dɔ bhú ma, maka ma nde lie bhú yi ko. Padhá de, anga yá ndula ngae kpi e kpi ti da nali lílí de, i dɔ me a nde li kɔte 'lá e ade ko. A bhadi moko, yi ti da nali lílí de, i dɔ me yi nde bhú ma ade ko.

⁵ Ma ne ndula na vino. Yi ne oyáyá-o. Kpála inde ngadɛ bhú ma, ma nde la di ngadɛ bhú e-e, ani lí lílí bhelé. Padhá de, anga i dɛ me yi nde bhú dabilí bini ne ma ade-e, yi ti da namene 'he bini de. ⁶ Kpála inde bhú ma ade-e, u abhíke ani akilidjo maka u abhibhike yá ndula lie-o. Yá ndula-a 'úlɛ, u há, u bhíke bhú djua, i tsí. ⁷ I dɛ me yi nde bhú ma-a, 'li ma nde la di bhú yi-e, yi yo ehe inde yi akɛnda e, amba yi sia. ⁸ I dɛ me yi nde alí lílí bhelé-e, yi suno di me yi ne omɛkpata gba ma-a, li 'Dyi ma tsia sía sangu. ⁹ Maka li 'Dyi ma akɛnda ma lie, ma akɛnda bhadi yi moko. Yi dɛ bhú mɛkɛnda gba ma-o. ¹⁰ I dɛ me yi nde alila olíli gba ma-a, yi dɛ bhú mɛkɛnda gba ma-o, maka ma alila olíli gba 'Dyi ma lie, ma ngadɛ bhú mɛkɛnda gba ani-o.

¹¹ Ma apa engú bhomɛ-o pi yi, ngɛbula me djali gba ma-a dɛ bhú yi, amba djali gba yi-e dɛ libhomu. ¹² Líli gba ma-a ngae inde: yi kɛnda liyi sɛnda yi maka ma akɛnda yi lie ko. ¹³ Mɛkɛnda na ngbéngbé inde li kpála ti da nasuno e, a ko naha mɛkobho gba e pi oolia e. ¹⁴ Yi ne oolia ma, i dɛ me yi nde amene líli gba ma-o. ¹⁵ Ma nga'i matá yi me okpála na kulu ade. Padhá de, anga kpála na kulu mbíla ehe inde li ngámá gba ani-e ngamene e de. Ma nga'i yi me oolia ma. Padhá de, anga ma asuno ndɛ 'ngú hana inde ma asia e ka 'Dyi ma-a pi yi asuno. ¹⁶ Yi bhɛ ma ngayi de. Engú bini, ma abhɛ yi ngama. Ma atima yi me yi nɛ zu nguwa inde i ti da nabhue mabhue, amba ndɛ 'he hana inde yi ayó e ka 'Dyi ma ne 'li ma-a, ani de ha pi yi. ¹⁷ La-a, líli ma aha e pi yi-e ngae inde, yi kɛnda liyi sɛnda yi.»

Yesu apa me okpála na doto ayála ni ne omaha ni

¹⁸ «I dɛ me okpála na doto nde ngayala yi-e, yi mbíla ndjindji me u ayala ngaiza ma pi yi kalanɛ. ¹⁹ I dɛ me, yi dɛ ne okpála na doto-o, okpála na doto de ngakɛnda yi. Padhá de, anga yi bhú ngɛ doto. Engú bini, ma abhɛ yi, ma atsia a'e yi bhú ká okpála na doto. Kaka-a, okpála na doto ngayala yi. ²⁰ Yi bhundja engú inde ma apa e pi yi-e me: «Kpála na kulu ngbéngbé ane ngámá gba e ade.†» Maka nani u ato mbolo lí ma lie, u ató bhadi mbolo lí yi moko. I dɛ me u djé 'li ma uu-o, u de adjé bhadi 'li yi moko.

†15:20 Tsia bhɛ Mat. 10:24, ne bhú Luk. 6:40, di ne bhú Dja. 13:16.

²¹ Engú bini, u améne ndu 'ngú bhom̄-o hana li yi kabula ma. Padhá de, anga u mbila kpála inde atima ma-a de. ²² I dú me ma gó de-e, i dú la di me ma kpókpo pi uo de-e, a de okpála namene siti 'ngú ade. Engú bini, mbia inde-e, u mbú li siti 'ngú inde u amene e de. ²³ Kpála inde ayala ma-a, ani ayala di 'Dyi ma. ²⁴ Ma amene bhú ká uo ongamba 'ngú , inde li kpála bini mene nga e de. I dú me ma méne mo-o de-e, a de okpála namene siti 'ngú ade. Engú bini, u au ongamba 'ngú gba ma-o, u ayala ma, u atsia yala di 'Dyi ma. ²⁵ Engú bini, engú bhom̄-o akolo ngubula me, eli inde u aye e bhú líli gba uo-o, amene lie, eli inde me: «U ayala ma padhá, tata tété ade.†»

²⁶ Ma atíma pi yi kpála inde a ayo me ani teteke yi-o. Kpála ango-o ayie agba 'Dyi ma. A ko Bua na kuku 'ngú inde ayie agba 'Dyi ma-o. Nedhinga ani agó lie, ani akpókpo 'ngú gba ma-a ngae. ²⁷ Ngayi di-e, yi akpókpo 'ngú gba ma-o. Padhá de, anga ní adu ne yi nayie li lilita.»

16

¹ «Ma apa 'ngú bhom̄-o pi yi, amba yi a'ó de me nabhuka gba yi-e kpi-e de. ² U apándja yi bhú oti nadje líli gba Moidje . La di-e, ekpí akólo makolo, li okpála inde abhíli yi-e adú abhundja lie me o ngamene lío bhom̄-o kulu pi Ebhe. ³ U améne mo-o, anga u mbila 'Dyi ma de, u mbila la di ma de. ⁴ Kaka-a, ma apa 'ngú ango-o pi yi kalanu, amba li engú ango-o akólo lie, yi de bhundja me ma apa engú ango-o pi yi apa.»

Bua na kuku 'ngú agó mago

«Ma pa nga nani engú ango-o pi yi nayie li lilita de, anga ní adu nga nani ne yi bhú dabili bini. ⁵ Mbia inde-e, ma adji agba kpála inde atima ma ko. La-a, kpála bini bhú ká yi yi ma de me: «Mo odji su?» ⁶ Engú bini, bua yi abedhe ne babuma, anga ma apa pi yi moko. ⁷ Ma apa la pi yi na paká me, pi yi-e, a ndjindji me ma nu. Padhá de, anga i du me ma nde nu de-e, kpála inde atéteke yi-e gó-o de. Engú

†15:25 Tsia bhú Ets. 35:19, 69:5.

bini, i dɛ me ma nde anɛ-o, ma tsia tíma ani pi yi. ⁸ Nedhinga ani agó lie, ani asúno pi okpála na doto me u ngapite lio pɛndji osisiti 'ngú inde u ngamene e-o. U di ngapite lio pɛndji ngbili 'ngú, di ne pɛndji nakodho 'ngú gba Ebhe-o. ⁹ U ngapite lio pɛndji osisiti 'ngú inde u ngamene e, anga u bhuka ma de. ¹⁰ U ngapite lio pɛndji ngbili 'ngú, anga ma adjí agba 'Dyi ma. La di-e, u ú matá ma de. ¹¹ U ngapite lio pɛndji nakodho 'ngú, anga u akodho 'ngú gba ngámá na doto inde-e akodho.

¹² Ma matá ne engú bhelé napapa pi yi. Engú bini, yi tí da nakikibila mbia inde-e de. ¹³ Nedhinga li Bua na kúkɛɛ 'ngú-o agó lie, ani asúno pi yi ndɛ okúkɛɛ 'ngú hana. Ani pá 'ngú gba e makpe-e de. Engú bini, ani apá ndɛ 'ngú hana inde ani adjé e-o. Ani tsia pá di ndɛ 'ngú hana inde akólo-o pi yi. ¹⁴ Ani adhégo ma. Padhá de, anga ndɛ 'ngú hana inde ani apá e pi yi-e, ani asía ka ma. ¹⁵ Ndɛ 'he gba 'Dyi ma-a hana, a ko di naama 'he. Kaka-a, ma apa me ndɛ 'ngú hana inde li Bua apá e pi yi-e, ayíe ka ma.»

Yesu apa me babuma adjí lie djali

¹⁶ «Píta nedhinga bedi, yi ú matá ma de. La matá píta nedhinga bedi-e, yi ú ma.» ¹⁷ Omɛkpata koko gba ani-e apa sɛnda o me: «Ani apa pi ní me: <Píta nedhinga bedi, yi ú matá ma de. La matá píta nedhinga bedi-e, yi ú ma.> Ani apa matá di me: <Ma adjí agba 'Dyi ma.> Engú bhomɛ-o akɛnda napa pi?» ¹⁸ U adɛ apa matá me: «Engú inde ani ngapa e me: <Nedhinga bedi>, a akɛnda napa pi? Ní mbila engú inde ani ngapa e de.»

¹⁹ Yesu ambila me, u ngakɛnda nayi ní. Abhomɛ-o, ani atsia apa pi uo me: «Yi ngagili sɛnda yi ta 'ngú inde me: <Píta nedhinga bedi, yi ú matá ma de. La matá píta nedhinga bedi-e, yi ú ma.> ²⁰ A moko, ma apa pi yi na paká me yi akú 'gbá, yi tsia lópolo di liyi. La-a, okpála na doto adú naao akpi djali. Yi adú ne babuma engú bini, likabhu gba yi-e adjí lie djali. ²¹ Nedhinga li ɛlɛ ngazu lie, ani dɛ adje likabhu naali. Padhá de, anga nedhinga na likabhu pi ani akolo. Engú bini, nedhinga inde ani azu lie, ani 'fili 'to e 'to likabhu ango-o hana ka djali. Padhá de, anga u azu kpála-kɛti píla doto. ²² Ngayi di-e, mbia inde-e, yi bhú likabhu. Engú

bini, ma aú matá yi mau. Yi tsia kpí djali li bua yi. La di-e, kpála bini 'é djali ango-o bhú yi de.

²³ Li ekpí ango-o akólo lie, yi yí matá ma li 'ngú belegu de bini. A moko, ma apa pi yi na paká me ndu 'he hana inde yi ayó e ka 'Dyi ma ne 'li ma-a, ani ahá pi yi maha. ²⁴ Nakolo pi mbia inde-e, yi yo nga 'he ne 'li ma belegu de bini. Yi yoyo, amba yi sia, ngubula me djali gba yi-e du bedhe.»

Yesu aha angu doto

²⁵ «Engú bini, ma apa 'ngú bhomu-o pi yi bhú ogbitaku. Nedhinga inde ngago-o, ma pá matá 'ngú pi yi mo-o belegu de bini. La-a, nedhinga ango-o, ma akpókpo ongu gba 'Dyi ma-a pi yi mbámhá. ²⁶ Li 'kpí ango-o, yi ayó 'he ka 'Dyi ma ne 'li ma. Ma pa la di pi yi de me, ma ayó 'Dyi ma Ebhe pi yi-e de. ²⁷ Padhá de, anga 'Dyi ma, ngae makpe akunda yi. Ani akunda yi, anga yi akunda ma. La di-e, anga yi abhuka me ma ayie agba Ebhe. ²⁸ Ma ayie agba 'Dyi ma. Ma atsia ago píla doto. Mbiam inde-e, ma nga'o ká doto, ma tsia gíe lima agba 'Dyi ma.»

²⁹ Abhomu-o, omukpata gba ani-e atsia apa pi ani me: «Tsia nga mbiam inde-e, ma ngapa 'ngú mbámhá. Ma matá ngapapa bhú ogbitaku ade. ³⁰ Mbiam inde-e, ya ambila me, ma ngambila ndu 'ngú hana. A padhá me u yi ma li 'ngú. Kaka-a, ya ngabhuka me mo oyie agba Ebhe.» ³¹ Yesu atsia agie pi uo me: «Yi abhuka la mbiam inde-e abhuka? ³² Yi tsitsia nga. Nedhinga ngago, mbiam inde-e, nedhinga ango-o akolo, nedhinga inde yi andjámhala lie má mæ! Kpála ne kpála atápa li kpadji gba e. Yi tsia 'ó la di ká ma kpi ma kpi. Engú bini, ma la kpi ma kpi ade, anga 'Dyi ma bhú dabili bini ne ma. ³³ Ma apa 'ngú bhomu pi yi, amba yi sia guo 'ngú bhú ma. Yi asía likabhu píla doto. Engú bini, yi adjé tsulu de! Padhá de, anga ma aha angu doto aha.»

17

Yesu ayo Ebhe ngu e makpe

¹ Pita li Yesu apa ongu bhomu-o lie, ani atsia 'kpí ne bhúlá, ani atsia apa me: «'Dyi ma, nedhinga akolo. Ha sangu ma, ngama Ndili gba ma-o, amba ngama,

Ndili gba m̄-o, ma ha di sangu pi m̄. ² Padhá de, anga mo oha angu m̄ma pí 'ndji nd̄ okpála hana, amba ma ha m̄kobho na d̄d̄ma pi nd̄ okpála hana inde mo oha o m̄ma-o. ³ La-a, m̄kobho na d̄d̄ma-a, a ko me u mbila m̄, ngam̄ koli Ebhe inde na k̄k̄l̄-o. A ko me u mbila la di Yesu Kilisito , kpála inde mo otiima e-o. ⁴ Ma aha sangu pi m̄ píla doto. Ma andjia kulu inde mo oha e m̄ma me ma mene e andjia. ⁵ La mbia inde-e, 'Dyi ma, ha sangu m̄ma de m̄, sangu inde ma ad̄ nani ne e agba m̄ kala me u bho doto ko.»

Yesu ayo Ebhe nḡbula om̄kpata gba e

⁶ «Ma asuno 'li m̄ pi okpála inde mo 'e o bh̄ ká okpála na doto, mo otsia aha o m̄ma-o. A ko nani okpála ka m̄, mo otsia aha uo m̄ma. U atsia alila la di 'li m̄. ⁷ Mbia inde-e, u ambila me nd̄ 'he inde mo oha e m̄ma hana, ayie ka m̄. ⁸ Padhá de, anga oeli inde mo okpokpo e m̄ma-a, ma akpokpo pi uo. U asia oeli ango-o. U ambila na paká me ma ayie agba m̄. U atsia abhuka di me mo otiima ma ngam̄.

⁹ Ma ngayo m̄ nḡbula uo. Ma ngayo m̄ nḡbula okpála na doto ade. Enḡ bini, ma ngayo nḡbula obhende mo oha o m̄ma ko. Padhá de, anga a ko okpála ka m̄. ¹⁰ Nd̄ 'he inde ka ma-a hana, a ko naam̄. Nd̄ 'he inde la di ka m̄-o hana, a ko naama. La di-e, ma atsia asia sangu ka uo. ¹¹ Ma matá ne kpála na doto ade. Enḡ bini, ngauo-o, a ko okpála na doto. Ngama-a, ma adjí agba m̄. 'Dyi ma inde bubu, lila uo ne 'li m̄ inde mo oha e m̄ma-o, amba u d̄ bini maka nganí ne m̄, ní nde lie bini-o. ¹² Nedhinga ya ad̄ lie ne uo-o, ma alila uo ne 'li m̄ inde mo oha e m̄ma ko. Ma alila uo ndjindji, kpála bini bh̄ ká uo nḡta de. Anḡta bha bini ne kpála inde a ayo me ani nḡta-o nḡbula me enḡ inde u aye e bh̄ Bhuku-o, a amene lie.

¹³ La mbia inde-e, ma adjí agba m̄. Ma ngapa mo-o li nedhinga inde ma nde nga lie píla doto, amba u sia djali gba ma-a bh̄ o makpe, u bedhe la di ne di bedhe. ¹⁴ Ma aha 'li m̄ pi uo. Okpála na doto atsia ayala uo. Padhá de, anga uo bh̄ nḡ doto ade, maka ma nde lie bh̄ nḡ doto ade ko. ¹⁵ Ma ngayo m̄ ade me m̄ 'e uo píla doto ma'e-e de. Enḡ bini, ma ngayo m̄ me lila uo sakpa Siti

malila. ¹⁶ A ko okpála na doto de, maka ma nde lie ne kpála na doto ade ko.

¹⁷ Mene me u dɛ libhomu bubu li kpadji na kɔkɔlɛ 'ngú. 'Li mɛ-o, a ko

kɔkɔlɛ 'ngú. ¹⁸ Ma atima uo pɛla doto, maka mo otime ma lie pɛla doto-o.

¹⁹ Ngama makpe-e, ma aha lima hana pi mɛ ngɔbula me ngauo di-e, u ha lio hana pi mɛ li kpadji na kɔkɔlɛ 'ngú.»

Yesu ayo Ebhe ngú ndɛ okpála hana abhuka ani-o

²⁰ «Ma ngayo bha bini ngɔbula uo ade. Engú bini, ma di ngayo ngɔbula okpála bhende abhúka ma ka 'li uo ko. ²¹ Ma ngayo me ndɛ uo hana dɛ bini. 'Dyi ma, a ayo me u dɛ bhú ní, maka mɛ nde lie bhú ma, ma la di bhú mɛ-o. A ayo me u dɛ bini, amba okpála na doto bhuka me mo otime ma ngamɛ.

²² Ma aha sangu inde mo oha e mɛma-a pi uo, amba u dɛ bini maka nganí ne mɛ ní nde lie bini-o. ²³ Ma bhú uo, mɛ la di bhú ma. Abhomɛ-o, u tí da nadɛ bha ndjɛ bini, amba okpála na pɛla doto mbila me mo otime ma ngamɛ, u mbila la di me mo okɛnda uo maka mo okɛnda ma lie ko. ²⁴ 'Dyi ma, mo oha uo mɛma. Ma akɛnda me u dɛ bhú dabilɛ bini ne ma li bilɛ inde ma nde li e, amba u u sangu gba ma ko, sangu inde mo oha e mɛma anga mo okɛnda ma kala nabho doto. ²⁵ 'Dyi ma inde ngbingbili, okpála na pɛla doto mbila mɛ de. Engú bini, ngama-a, ma ambila mɛ. Okpála inde-e ambila la di me mo otime ma ngamɛ. ²⁶ Ma asuno 'li mɛ pi uo. Ma asúno la matá mɛ pi uo masuno, ngɔbula me mɛkɛnda inde mɛ nde ne e mɛma-a dɛ bhú uo, amba ngama makpe-e, ma dɛ di bhú uo.»

18

U aholo Yesu

(Tsia bhú Mat. 26:47-56, ne bhú Mlk. 14:43-50, di ne bhú Luk. 22:47-53.)

¹ Pita li Yesu andjia nayo Ebhe lie, ani anɛ ne omɛkpata gba e ayi mɛtselemɛtsele inde 'li e me Sedolo. Edyi bini adɛ oo. Yesu atsia ali ne omɛkpata gba e bhúbhú. ² Yuda, bhɛlɛ napɛ Yesu-o adɛ ambila di bilɛ ango-o ndjindji. Padhá de, anga Yesu ne omɛkpata gba e adɛ anɛ oo piko. ³ Abhomɛ-o,

Yuda anɛ abhú 'dyi oo bhú dabilí bini ne ká osɔdha, di ne omɛlila na 'ngbé 'ti Ebhe gba omaYuda, inde lí ongbengbe odimandɔ di ne omɛFalisai atima o-o. A adɛ sa 'kpa osɔdha-a ne otolosi, ne oeke, di ne otia 'gú. ⁴La-a, Yesu inde adɛ ambila ndɛ 'ngú inde akólo lí kɛte e hana-a, adyudyo lie de uo. Aní atsia ayi uo me: «Yi ngagili da?» ⁵U agie pí aní me: «Ya ngagili Yesu, kpála na Nadjaleta.» Yesu atsia apa pí uo me: «A ko ma.» Yuda, bhɛlɛ napɛ Yesu-o adɛ di bhú dabilí bini ne uo. ⁶Lí Yesu apa pí uo lie me: «A ko ma-a», u agbe lío ne sidi, u atuko kuto má dhululu!

⁷Yesu atsia ayi matá uo me: «Yi ngagili da?» U agie me: «Ya ngagili Yesu, kpála na Nadjaleta.» ⁸Yesu apa pí uo me: «Ma apa igini pí yi apa me, a ko ma. I dɛ la me, yi nde ngagili ma-a, yi de 'o okpála koko-o, amba u gbida naao.» ⁹Engú bhomɛ-o amene lie mo-o, ngɛbula me eli inde nani lí Yesu apa e, amene lie, eli inde aní apa nani e me: «'Dyi ma, bhú ká okpála inde mo oha o mɛma-a, sɛka uo bini ngita ka ma de.»

¹⁰Simo Piele adɛ ne mbotia ludu e. Aní aluko ngise angoo bhú 'ti e má vuu! Aní asɛ Malakusi, kpála na kulu gba 'ngbé dimandɔ gba Ebhe-o . Aní atsia akodho kpadje aní lí pápá na kokpa-a má tse! ¹¹Engú bini, Yesu atsia apa pí Piele me: «Gie mbotia gba mɛ-o bhú titi. Mo obhundja naamɛ me likabhu inde lí 'Dyi ma aha e mɛma-a, ma azú-ɛ di?»

U anɛ ne Yesu kala Ana

¹²Abhomɛ-o, osɔdha ne ngámá gba o, di ne omɛlila na 'ngbé 'ti Ebhe gba omaYuda inde anɛ naholo Yesu-o, atsia aholo aní. U agbite aní ne ekpɛ. ¹³U atsia anɛ ngaiza ne aní gba Ana. Ana angoo, a ko nani 'dyi wala Kaifa. Kaifa adɛ nani bhele kpála gba odimandɔ bhú kalanga bhomɛ-o ngae. ¹⁴Abhomɛ-o, Kaifa atsia aha nani mabhundja pí ongámási gba omaYuda ngae me, a ndjindji mangbo me koli kpála bini kpi ngɛbula ndɛ okpála hana.

Piele apa me ní ne mukpata gba Yesu ade

(Tsia bhú Mat. 26:69-70, ne bhú Mk. 14:66-68, di ne bhú Luk. 22:55-57.)

¹⁵ Simo Piele, ngauo ne m̀kpata koko adu akpata Yesu. Bhele kpála gba odimandə-o ambila nani m̀kpata ango-o ndjindji. Kaka-a, m̀kpata ango-o ali nani ne Yesu bhú dabili bini bhú mbadhasu gba bhele kpála gba odimandə-o.

¹⁶ Engú bini, Piele atigala naae li 'bhə aga akilidjo. Abhomu-o, m̀kpata koko inde li bhele kpála gba odimandə-o ambila e ndjindji-e akoto. U agama 'ngú ne ələ inde adu alila 'bhə aga-o. Ani atsia ato Piele. ¹⁷ Ələ inde adu bhú kulu nalila 'bhə aga-a, apa pi Piele me: «Ngamu di-e, mu ndi ne saka om̀kpata gba kpála inde-e adi?» Piele agie pi ani me: «A mo-o ade, ma ne saka uo ade.»

¹⁸ Okpála na kulu, di ne omalila na 'ngbé 'ti Ebhe gba omaYuda-a akpo djua na makala. U ago alulu dede ngú natutu. Padhá de, anga zini adu naali. Piele ago alu di bhú dabili bini ne uo ngú natu djua-o.

Bhele kpála gba odimandə ayiyi Yesu

(Tsia bhú Mat. 26:59-66, ne bhú Mlk. 14:55-64, di ne bhú Luk. 22:66-71.)

¹⁹ Abhomu-o, bhele kpála gba odimandə-o aholo nayiyi Yesu pindji 'ngú gba om̀kpata gba ani, di ne pindji nasuno gba ani-o. ²⁰ Yesu agie pi ani me: «Ma akpokpo 'ngú mbámá pi ndu okpála hana. Ma adu asuno ndu 'kpí hana bhú oti nadje líli gba Moidje , di ne bhú 'ngbé 'ti Ebhe gba omaYuda li bilí li ndu omaYuda hana adu apəkəbhə bhúla o li e-o. Ma pa 'ngú bhú pepe belegu de bini.

²¹ Mu ngayi ma ka ni? Yi okpála inde adje ma-a me ma apa pi. Padhá de, anga u mbila engú inde ma apa e ndjindji.» ²² Li Yesu apa lie mo-o, saka okpála nalila 'ngbé 'ti Ebhe gba omaYuda-a asu pála ani má pa! Ani atsia apa pi ani me: «Abhomu-o eli inde mu ti da nagie e pi bhele kpála gba odimandə gba Ebhe-e?»

²³ Yesu atsia apa pi ani me: «Engú inde ma apa e, i du me a nde sisiti-e, yi de suno sisiti ango-o. Engú bini, i du la me ma nde apa ndjindji-e, mo otsia asu la ma ngú ni?» ²⁴ Abhomu-o, Ana atsia atima Yesu pi Kaifa, bhele kpála gba odimandə-o me u nde agbigbite ani magbigbite.

Piele apa matá me ni ne m̀kpata gba Yesu ade

(Tsia bhú Mat. 26:71-75, ne bhú Mlk. 14:69-72, di ne bhú Luk. 22:58-62.)

²⁵ Nedhinga ango-o, Simo Piele alɛ de djua-o. Anɛ adɛ atɛtɛ. U atsia apa pi anɛ me: «Ngamɛ di-e, mɛ ne sɛka omɛkpata gba kpála inde-e adɛ?» Piele ayala, anɛ atsia apa me: «A mo-o ade, ma ne sɛka uo ade.» ²⁶ Sɛka okpála na kulu gba bhele kpála gba odimandɛ gba Ebhe-e, inde adɛ kpála na piga gba kpála li Piele akodho kpadje e, ayi Piele me: «A ko mɛ di inde ma au nako e ne Yesu abhɛ 'dyi-e?» ²⁷ Engɛ bini, Piele atsia ayala matá. Bha bini li nedhinga ango-o, engɛ atsia aku 'gbá.

U anɛ ne Yesu kala Pilatɛ

(Tsia bhɛ Mat. 27:1-2, 11-14, ne bhɛ Mlk. 15:1-5, di ne bhɛ Luk. 23:1-5.)

²⁸ Abhomɛ-o, omaYuda ayie ne Yesu agba Kaifa, u atsia anɛ ne anɛ agba ngámá na Loma , inde adɛ atsia 'kpí li ndu doto-o. A adɛ kɛkpí má bhɛ! Engɛ bini, omaYuda li naao abhɛ 'ti oo de. Padhá de, anga u adɛ akɛnda nadɛ bubu kala Ebhe, amba o zɛ anokomɛa na Pasika-o . ²⁹ Kaka-a, Pilatɛ ngámá na ndu doto ango-o ago abhaka uo akilidjo. Anɛ atsia ayi uo me: «Yi agbe kpála inde-e kala ma me anɛ nde amene mangua siti 'ngɛ dho?» ³⁰ U agie pi anɛ me: «Li kpála inde-e dɛ ne siti kpála de-e, ya de go ne anɛ pi mɛ de.» ³¹ Abhomɛ-o, Pilatɛ atsia apa pi uo me: «Yi ha anɛ ngayi makpe, amba yi kodho 'ngɛ gba anɛ-e maka li líli gba yi-e apa lie ko.» OmaYuda agie pi anɛ me: «U ha kpadji pi ya ngɛ nabhele kpála de.»

³² Engɛ bhomɛ-o amene lie mo-o ngɛ nakpata engɛ inde li Yesu apa nani e-o. Engɛ inde anɛ apa nani e ngɛ nasuno lele maka anɛ akpí lie ko. ³³ Abhomɛ-o, Pilatɛ agie matá lie abhɛ 'ti. Anɛ a'í Yesu, anɛ atsia ayi anɛ me: «Mɛ ne 'ngbé ngámá gba omaYuda?» ³⁴ Yesu agie pi anɛ me: «Engɛ inde mo opa e bhomɛ-o, mo obhundja bha ngamɛ makpe? Ne me okpála koko apa 'ngɛ gba ma-a pi mɛ ngao!» ³⁵ Pilatɛ agie pi anɛ me: «Ngama-a, ma ne maYuda? Okpála na kɛti gba mɛ di ne ongbengbe odimandɛ gba Ebhe-e apɛ mɛ mɛma. Mo omene la mangua 'ngɛ dho?»

³⁶ Yesu agie pi anɛ me: «Naɛ gba ma-a, a ko bhende na doto inde-e de. I dɛ bhende na doto inde-e, okpála gba ma-a de agɛ 'gɛ, ngɛbula me u apɛ ma pi

omaYuda de. Engú bini, naɛ gba ma-a, a ko bhende na doto inde-e de.»³⁷ Pilatø atsia apa pi ani me: «A akunda napa me, ma ne 'ngbé ngámá?» Yesu agie pi ani me: «Mo opa ngamɛ me ma ne 'ngbé ngámá. U azu ma, ma atsia ago pɛla doto ngú nakpokpo 'ngú pɛndji kɛkɛlɛ 'ngú. Kpála inde bhú kɛkɛlɛ 'ngú-o ngadje engú inde ma ngapa e-o.»³⁸ Pilatø ayi ani me: «Kɛkɛlɛ 'ngú-o, a ko ni?»

Pita li Pilatø apa 'ngú bhomɛ-o lie, ani akoto, ani anɛ matá nabhaka omaYuda akilidjo. Ani atsia apa pi uo me: «Ma u engú inde u ti da nabhøø kpála inde-e ka e belegɛ de bini.»³⁹ Engú bini, maka u amemene lie agba yi-e, bhú anokomia na Pasika-a, a ayo me ma tse 'kpa li bhɛlɛ 'kpá pi yi bini. Yi akunda me ma tse 'kpa li 'ngbé ngámá gba omaYuda-a pi yi?»⁴⁰ Abhomɛ-o, u aholo asusɛla me: «fi-i! Ngaani de. Engú bini, tse mangbo pi ya 'kpa li Balabasi!» La-a, Balabasi nani ne 'ngbé bhɛlɛ 'zi.

19

¹ Abhomɛ-o, Pilatø atsia apa me u go ne Yesu, amba u bhi ani ne fimbo.

² Osɛdha agala ehe na eti má kilili, u ato bhú 'ndji ani! U atsia ato di bongo na zɛmbe zɛmbe li kɛte ani. ³ U adɛ ago de ani. U atsia adɛ apa pi ani me: «'Ngbé ngámá gba omaYuda-a, atou!» U adɛ di nabhi bhúla ani.

⁴ Abhomɛ-o, Pilatø akoto matá kilidjo. Ani atsia apa pi uo me: «Yi djedje nga! Ma agbé ani pi yi kilidjo ei, amba yi mbɛla ndjɛndji me ma u belegɛ ehe bini de inde ma ti da naholo ani ngú e.»⁵ Abhomɛ-o, Yesu atsia akoto kilidjo me u nde ato ehe na eti-e bhú 'ndji ani, ani nde di ne bongo na zɛmbe zɛmbe li kɛte e. Abhomɛ-o, Pilatø atsia apa pi uo me: «Kpála ango-o i!»⁶ Engú bini, li ongbengbe odimandø gba Ebhe , di ne omɛlila na 'ngbé 'ti Ebhe au ani lie me-e, u aholo nasusɛla me: «Gi ani li kulusi! Gi ani li kulusi!» Pilatø apa pi uo me: «Yi nɛ gi ani li kulusi ngayi makpe. Padhá de, anga ngama-a, ma u belegɛ ehe bini de inde ma ti da naholo ani ngú e.»⁷ OmaYuda agie pi ani me: «A ka ya ne líli. A ayo me ani kpi maka li líli ango-o apa lie-o. Padhá de, anga ani apa me ni ne ndili gba Ebhe.»

⁸ Li Pílatø adje engú bhomɔ-o lie, ani adje matá tsulɔ naali. ⁹ Ani agie lie abhú 'ti. Ani atsia ayi Yesu me: «Mo oyie su?» Engú bini, Yesu gie 'ngú de. ¹⁰ Abhomɔ-o, Pílatø atsia apa pi ani me: «Mɔ kɔnda nagama 'ngú mɔma di? Mɔ mbila de me ma ne angu natse 'kpa li mɔ. Ma la di ne angu nagi mɔ li kulusi-e di?» ¹¹ Yesu atsia apa pi ani me: «Mɔ ne angu pí ma belegɔ ade bini. I dú me Ebhe há angu pi mɔ de-e, mɔ de ti da namene 'he bini ngú ma de. Kaka-a, kpála inde apɔ ma pi mɔ-o, amene siti 'ngú naali ane mɔ.» ¹² Nayie li nedhinga bhomɔ-o, Pílatø adɔ agili kpadji me ni tse 'kpa li Yesu. Engú bini, omaYuda aholo asusula me: «I dú me mɔ nde atse 'kpa li kpála bhomɔ-o, amba mɔ kɔnda 'ngbé ngámá Kaisala de! Ndɔ kpála hana inde apa me ni ne 'ngbé ngámá-a, a ko bhulɔ yala gba 'ngbé ngámá Kaisala!»

¹³ Li Pílatø adje eli bhomɔ-o lie, ani agbe Yesu kilidjo. Pílatø atsia adɔ pí dabili nakodho 'ngú-o, li bili inde u a'i e me «U apa oteme kuto» (inde u a'i e bhú eli na ebele me «Gabata»). ¹⁴ A adɔ nani masikpe de tulukpe, kala ekpí na Pasika. Pílatø apa pi omaYuda me: «'Ngbé ngámá gba yi-e i!» ¹⁵ Engú bini, u aholo nasusula me: «Bhøø ani! Bhøø ani! Gi ani li kulusi!» Pílatø apa pi uo me: «A ayo me ma gi 'ngbé ngámá gba yi-e li kulusi?» Ongbengbe odimandø gba Ebhe-e agie pi ani me: «'Ngbé ngámá koko ka ya ade. A ko bha bini 'ngbé ngámá Kaisala.» ¹⁶ Abhomɔ-o, Pílatø atsia atse 'kpa li Yesu ngubula me u gi ani li kulusi.

U agi Yesu li kulusi

(Tsia bhú Mat. 27:32-44, ne bhú Mk. 15:21-32, di ne bhú Luk. 23:26-43.)

U aha Yesu, u atsia atapa ne ani. ¹⁷ Yesu abi kulusi gba e ngae makpe. Ani atsia akoto nayie bhú gudhɔ akolo li bili na «Pelege 'ndji» (u a'i e bhú eli na ebele me «Gologota»). ¹⁸ A bhomɔ-o bili inde li osudha agi Yesu li e li kulusi-o. U atsia agi di okpála koko bhisi li kulusi. Yesu adɔ tutɔ, koko li kulusi gba e li pá 'kpa ani na kokpa, koko li kulusi gba e li pá 'kpa ani na gali. ¹⁹ Pílatø atsia aha di líli me, u ye balɔa, amba u bhi li kulusi gba Yesu-o. Balɔa angø-o adɔ me: «YESU, KPÁLA NA NADJALETA, 'NGBÉ NGÁMÁ GBA OMA YUDA.»

²⁰ Abhomɔ-o, omaYuda bhelé atanga balɔa angø-o. Padhá de, anga bili inde u

agi nani Yesu li kulusi li e, a adu de gudhu masikpe. La di-e, balu ango-o adu bhú eli na ebele, a adu bhú eli na latino, a atsia adu di bhú eli na giliki.

²¹ Abhomu-o, ongbengbe odimande gba omaYuda atsia apa pi Pilate me: «Mo oyé de me, <'ngbé ngámá gba omaYuda-a> de. Engú bini, ye mangbo me, <Kpála bhomu-o apa me, ma ne 'ngbé ngámá gba omaYuda.>» ²² Pilate agie pi uo me: «Bhende ma aye e, adjí lie de.»

²³ Li osudha agi Yesu li kulusi lie, u abha obongo gba ani-o. U agbo bhusu bhusu badha. Sudha bini ne bini aha naae bini. U atsia aha di bongo gba ani inde u du e madu de-o. Pápála adu bha bini nayie abhúla akolo akuto. ²⁴ Osudha-a apa suda o me: «Ní asidha bongo inde-e de. Engú bini, ní gu mangbo gbanda tété, amba ní mbila me a adu na da.» U amene mo-o ngubula me eli inde u aye e bhú Bhuku-o, amene lie, eli inde me:

«U agbogbo bhusu o li obongo gba ma-o.

U atsia agu gbanda li bongo gba ma ko.†»

A bhomu-o engú inde li osudha amene e-o.

²⁵ Malia , 'hi Yesu, ne ndai e na eole, ne Malia , wala Kolopasi, di ne Malia , kpála na kuti na Magadala, alulu de kulusi gba Yesu-o. ²⁶ Yesu au 'hi e ne mukpata inde li ani adu akunda e naali-o. Mukpata ango-o adu me ani nde alu de 'hi ani oo. Ani atsia apa pi 'hi e me: «Ele-e,ⁿ tsia ndili gba mu-o i.» ²⁷ Pipita-a, ani atsia apa pi mukpata-a me: «Tsia 'hi mu i.» Nayie li nedhinga bhomu-o, mukpata-a atsia aha 'hi Yesu agba e.

Yesu akpi

(Tsia bhú Mat. 27:45-56, ne bhú Mk. 15:33-41, di ne bhú Luk. 23:44-49.)

²⁸ Pita ongu bhomu-o, Yesu ambila me, mbia inde-e, ndu 'ngu hana andjia. Abhomu-o, ngubula me 'li Bhuku-o amene lie akolo ali soso-o, ani atsia apa me:

†19:24 Tsia bhú Ets. 22:19.

ⁿ19:26 Li kulusi-e, Yesu agama 'ngu pi 'hi e maka Ebhe. Kaka-a, ani a'i ani me: «Ele-e.»

«A li ma ne gũmũ 'ngu.»²⁹ Lũsa bini adũ oo. A adũ bhũbhũ ne kpongadha pandi bedhe. Osũdha aha epondje, u ato bhũ kpongadha pandi-o. U agbite li ndula inde u a'ĩ e me idjope.^o U atsia adyudyo de 'bhø Yesu masikpe.³⁰ Li Yesu andji kpongadha pandi-e lie, ani atsia apa me: «Ndũ 'ngũ hana andjia!» Abhomũ-o, ani atũ 'ndji e ne kuto, ani atsia andala 'kpa li bua e.

Sũdha bini adũ pá kala Yesu ne mandambi

³¹ A adũ nani ekpĩ inde u adũ aleke lio lie ngũ ekpĩ naguo-o . Ongámási gba omaYuda dũ akũnda de me okuo okpála dũ li okulusi li 'kpĩ naguo-o de. Padhá de, anga ekpĩ naguo ango-o, adũ ngbéngbé ane okoko mane. Kaka-a, u atsia ayo ka Pilatø me u gũgũmũ 'dhũ okpála inde u agĩ o li okulusi-o, amba u 'e okuo uo tété ma'e.³² Abhomũ-o, osũdha ago de okpála inde u agĩ o li okulusi bhũ dabili bini ne Yesu-o. U agũgũmũ 'dhũ kpála bhe na kalanũ-o. Pipita-a, u agũgũmũ 'dhũ kpála bhe koko-o.³³ U akolo lie li Yesu-o, u abhaka me ani nde akpi. Kaka-a, u gũgũmũ 'dhũ ani de.

³⁴ Engũ bini, sũdha bini adũ pá kala ani ne mandambi má pũũ! Kolo me-e, ngũte di ne engu aze bhũ eka ango-o.³⁵ Kpála inde ngakpokpo ongũ inde-e, au ongũ ango-o ne djila e. La di-e, ongũ inde ani ngakpokpo e, a ko kũkũlũ 'ngũ. Ngaani-e, ani mbila ndjindji me ni ngakpo e kũkũlũ 'ngũ. Ani ngakpokpo ngũbula me ngayi di-e, yi bhuka.³⁶ Ongũ bhomũ-o akolo ngũbula me engũ inde u aye e bhũ Bhuku-o, amene lie, engũ inde u aye e me: «U gũmũ sũka biki ani belegũ de bini.†»³⁷ La di-e, u aye bhũ Bhuku li bili koko me: «U atsia kpála inde u adũ e-o.†»

U azi Yesu

^o**19:29 Idjope:** A ko sũka ondula na gba omaYuda. Epondje nani u ato e bhũ kpongadha pandi inde u aha nani e pi Yesu me ani ndji-e, nedhinga ani adũ lie li kulusi-e, u agbite nani li Idjope.

†**19:36** Tsia bhũ Eki. 12:46, ne bhũ Nom. 9:12, di ne bhũ Ets. 34:21.

†**19:37** Tsia bhũ Djkl. 12:10.

(Tsia bhú Mat. 27:57-61, ne bhú Mlk. 15:42-47, di ne bhú Luk. 23:50-56.)

³⁸ Pita ongú akodho 'kpí-e, Djodjefu , kpála na gúdhú na Alimatayo, ayo ka Pilatè me aní ha kpadji pí ní ngú na'e kuo Yesu. (Djodjefu nani ne sùka omàkpata gba Yesu-o. Engú bini, aní dè asuno lie mbámhá de, anga aní adu akpe ongámási gba omaYuda-o.) Pilatè aziba pí aní. Abhomu-o, Djodjefu anu, aní atsia a'e kuo Yesu. ³⁹ Nikodemu, inde anu nani nabhaka Yesu 'kpí bini sukpe-e, ago di. Aní ago ne mungotsi inde u amene e li mila bhú dabili bini ne aloesi.^o Mungotsi angu-o, adu masikpe de kilo ndjikpa bata. ⁴⁰ Abhomu-o, ndu uo bhisi hana aha kuo Yesu. U agagala ne opapala bongo na lene me u nde atuko mungotsi tété, maka li omaYuda adu amemene lie bhú nedhinga nazi kuo-o. ⁴¹ Li bili nani u agi Yesu li e li kulusi-e, edyi bini adu oo. Bhú 'dyi angu-o, edú bini na mbia adu oo. Edú angu-o, u zi nga nani kpála bini bhúbhú de. ⁴² U atsia ato Yesu bhúbhú. Padhá de, anga u adu agbene lio ka li ekpí naguo gba omaYuda adu lie masikpe-o. La di-e, edú angu-o adu oo masikpe.

20

Yesu azuku

(Tsia bhú Mat. 28:1-8, ne bhú Mlk. 16:1-8, di ne bhú Luk. 24:1-12.)

¹ Abhomu-o, bhú 'kpí yinga kèkpí má bhó-o, Malia , kpála na gúdhú na Magadala, anu abhú lata. A adu me ekpí nde nga bha ne biti. Aní au me teme inde adu li 'bhè lata-a nde ayie li bhèbhè ayie. ² Abhomu-o, aní anu ne holo, aní anu abhaka Simo Piele, di ne mukpata koko inde li Yesu adu akunda e naali-o. Aní atsia apa pí uo me: «U agbe kuo Ngámá bhú lata-a agbe. La-a, ya mbila de me u a'o aní su-oie de.»

³ Abhomu-o, Piele ne uo ne mukpata koko-o aholo 'nú, u atsia agbida abhú lata.

⁴ Ndu uo bhisi hana agu holo. Engú bini, mukpata bhe koko agu naae holo

^o19:39 *Aloesi*: A ko mungotsi inde li se e nde má wese. A ko la di elá, u memene li ndende ndula.

kpekpeke ane Piele mane. Kaka-a, ani atsia akolo abhú lata kalanu. ⁵ Ani akita ne kuto ngú natsia 'kpí bhúbhú. Ani au opapala bongo na lene me a nde a'o lie oo. La-a, ani li de. ⁶ Abhomu-o, Simo Piele inde adu akpata ani sidi-e, akolo di. Ani atsia ali abhú lata. Ani au opapala bongo na lene me a nde a'o lie oo, ⁷ la di ne bongo bhende adu me a nde abuku bhúla Yesu-o. Bongo ango-o du bhú dabili bini ne opapala bongo na lene de. Engú bini, a adu me a nde agagala naae lie kpi li bili koko. ⁸ Abhomu-o, mukpata koko inde akolo abhú lata kalanu-o, atsia ali di. Ani au, ani atsia abhuka. ⁹ Padhá de, anga nakolo li nedhinga bhomu-o, omukpata mbila nga nani ndjindji de, engú inde u aye e bhú Bhuku gba Ebhe-e me Masiya azúku bhú ká okpála inde amu-o mazuku. ¹⁰ Pita 'ngú bhomu-o, omukpata bhisi-e atsia agie lio agba o.

Yesu akoto li Malia, kpála na kuti na Magadala

(Tsia bhú Mat. 28:9-10, di ne bhú Mk. 16:9-11.)

¹¹ Malia adu me ani nde alu akilidjo de lata-o. Ani adu naku 'gbá. Nedhinga inde ani adu nga bha lie naku 'gbá-a, ani akita ne kuto ngubula natsia 'kpí abhú lata.

¹² Ani au oandjelu bhisi. U adyidyí obubu bongo. U adulu li bili inde u a'o nako kuo Yesu li e ko. Bini adu li pápá na 'ndji ani, koko atsia adu li pápá na 'dhu ani.

¹³ Oandjelu-o ayi Malia me: «*Ólè-e, mu ngaku 'gba ngú ni?*» Ani agie pi uo me: «*U a'e kuo Ngámá gba ma-a a'e. Ma mbila de me u a'o su-oie de.*»

¹⁴ Pita ani apa 'ngú bhomu-o lie, ani adji lie, ani atsia au Yesu me ani nde alu oo.

Engú bini, ani du ambila de me a ko Yesu-o de. ¹⁵ Yesu ayi ani me: «*Ólè-e, mu ngaku 'gbá ngú ni? Mu ngagili da?*» Malia abhundja me a ko kpála inde ngamene kulu bhú 'dyi-o. Kaka-a, ani apa pi ani me: «*'Dyi ma, i du me mu nde a'e kuo*

Ngámá gba ma-a ngamu-o, suno bili mo o'o li e mu ma, amba ma nu ha.» ¹⁶ Yesu apa pi ani me: «*Malia!*» Malia adji lie, ani atsia apa pi ani bhú eli na ebele me:

«*Laboni!*» (A akunda napa me «*Musuno.*») ¹⁷ Yesu apa pi ani me: «*Mo obú 'kpa*

mu li ma de. Padhá de, anga ma nu nga agba 'Dyi ma abhúla de. Engú bini, nu bhaka ondaise ma, amba mu pa pi uo me: <Ma adji abhúla agba 'Dyi ma. A ko la di 'Dyi yi. Ma adji abhúla agba Ebhe gba ma-o. A ko la di Ebhe gba yi-o.>»

¹⁸ Abhomu-o, Malia, kpála na kuti na Magadala, atsia anu akpokpo pi omukpata me: «Ma au Ngámá au!» Aní atsia akpokpo 'ngú inde li Yesu apa e pi aní-e, pi uo.

Yesu akoto li omukpata gba e-o

(Tsia bhú Mat. 28:16-20, ne bhú Mlk. 16:14-18, di ne bhú Luk. 24:36-49.)

¹⁹ Bha bhú 'kpí yinga bhomu-o tagolo-o, omukpata-a apo bhúla o bhú 'ti bini. U atsia adhodho obhe bhoti nganda o madhodho. Padhá de, anga u adu akpe ongámási gba omaYuda-o . Yesu ago alu tu uo. Aní atsia apa pi uo me: «Guo 'ngú du bhú dabili bini ne yi!» ²⁰ Pita aní apa 'ngú bhomu-o lie, aní asuno 'kpa e, di ne pála kala e pi uo. Li omukpata au Ngámá lie, u abedhe ne djali bedhe. ²¹ Yesu atsia apa matá pi uo me: «Guo 'ngú du bhú dabili bini ne yi! Maka li 'Dyi ma atima ma lie, ngama di-e, ma atima yi.» ²² Pita aní apa lie mo-o, aní a'ulu wo e pí uo, aní atsia apa pi uo me: «Yi sia Bu Bhobua ! ²³ Okpála bhende yi ambú li siti 'ngú gba o-o, li Ebhe mbú di li siti 'ngú gba uo-o. Okpála bhende yi mbú li siti 'ngú gba o de-e, Ebhe mbú di tété de.»

Yesu akoto li omukpata gba e pita Tuma

²⁴ Nedhinga li Yesu akoto li omukpata gba e lie abhú 'ti-e, saka omukpata ndjikpa ne ká bhisi-e Tuma (inde u a'i di-e me Bhuko-o) du bhú dabili bini ne uo de. ²⁵ Abhomu-o, omukpata koko atsia apa pi aní me: «Ya au Ngámá.» Engú bini, aní atsia agie pi uo me: «Ma akunda nau oeka na osete inde li okpa aní-o. Ma akunda na'o likpa ma li pokoli na osete ango-o. Ma akunda la di na'o 'kpa ma li pála kala aní. I du mo-o de-e, ma bhúka de.» ²⁶ Pita 'kpí madjina, omukpata gba Yesu apo matá bhúla o abhú 'ti. Tuma adu bhú dabili bini ne uo. Obhe bhoti-e adu me a nde adhodho lie madhodho. Engú bini, Yesu ago, aní alu tu uo. Aní atsia apa pi uo me: «Guo 'ngú du bhú dabili bini ne yi!» ²⁷ Pipita-a, aní apa pi Tuma me: «'O likpa mu si, amba mu tsia 'kpa ma. Go ne 'kpa mu, amba mu 'o li pála kala ma. Mo odú ne bua na bhisi bhisi de. Du mangbo ne nabhuka .» ²⁸ Tuma agie pi aní me: «Ngámá gba ma, di ne Ebhe gba ma!» ²⁹ Yesu apa pi aní me: «Mo

obhuka ka mo ou ma lie? A ko djali pi okpála inde ngabhuka me u nde u ne djila o de ko.»

A inde-e ta bhuku inde

³⁰ Yesu amene matá ongamba 'ngú koko bhelé li djila oməkpatata gba e-o. La-a, u ye bhú bhuku inde-e de. ³¹ Engú bini, ongú inde aye lie bhúbhú-o, a ko ngubula me yi bhuka me Yesu ne Masiya, Ndili gba Ebhe, amba i dɛ la me yi nde abhuka ani-e, yi de sia məkobho ka 'li ani.

21

Yesu akoto li oməkpatata gba e lingo ekpø na Tibeliade

¹ Ekpí koko pipita-a, Yesu akoto matá li oməkpatata gba e lingo ekpø na Tibeliade. Lele maka ani akoto li uo lie, ngae inde: ² a adɛ nani Simo Piele, ne Tɛma, (inde u a'i e me Bhuko), ne Natanaele, (kpála na kɛti na Kana, bhú ndu doto na Galilaya), ne ongisi gba Djebedayo, di ne oməkpatata koko bhisi gba Yesu-o. U adɛ bhú dabili bini. ³ Simo Piele apa pi uo me: «Ma adji nagbe sungu.» U agie pi ani me: «Ngaya di-e, ní anú ne yi bhú dabili bini.» Abhomɛ-o, u anɛ, u atsia a'ɛ'ɛ bhú zabɛ. Engú bini, sukpe bhomɛ-o, u gbe sungu belegɛ de bini.

⁴ Li ekpí aholo naseke lie, Yesu alɛ lingo 'ngu oo. Engú bini, oməkpatata-a dɛ ambila de me a ko ani-e de. ⁵ Abhomɛ-o, Yesu atsia apa pi uo me: «Odi ma, yi aholo mbo sungu uu?» U agie pi ani me: «Ya holo de.» ⁶ Ani apa pi uo me: «Yi bhike nado lingo zabɛ-o ne li pápá na kokpa, amba yi holo sungu.» Abhomɛ-o, u atsia abhike nado-o bhú 'ngu. U ale nagbele nado ango-o bhú 'ngu pima. Padhá de, anga osungu adɛ bhúbhú bhibhiti naali. ⁷ Abhomɛ-o, məkpatata inde li Yesu adɛ akɛnda e naali-e apa pi Piele me: «A ko Ngámá!»

Li Simo Piele adje lie me a ko Ngámá-a, ani adyi bongo . Padhá de, anga abhaka me ani nde agbe bongo-o magbe ngú nagbe sungu-o. Ani atsia agɛ 'i e bhú 'ngu. ⁸ Oməkpatata koko agie lio ne zabɛ-o me u nde ngagbele nado-o. Nado ango-o adɛ me a nde abedhe ne osungu bedhe. U dɛ nani dengo 'gø-o tsutsu de. U adɛ masikpe de metele kámá bini.

⁹ Nedhinga u aze lie apí 'gə-o, u au djua ne sungu pépé, di ne mapa. ¹⁰ Yesu apa pi uo me: «Yi go ne té osungu inde yi aholo e-o.» ¹¹ Abhomə-o, Simo Piele a'ə matá bhú zabə-o. Aní agbele nado apigo. Nado ango-o adə me a nde abedhe ne ongbengbe osungu kámá bini ndjikpa bhuluvue ne ká bata. Abana li osungu adə lie bhúbhú bhelé-e, nado ango-o tsotsolo de. ¹² Yesu apa pi uo me: «Yi go zə 'he.» Kpála bini bhú ká oməkpaata-a le nayi aní de me: «Mə ne da?» Padhá de, anga u adə ambila hana me, a ko Ngámá. ¹³ Abhomə-o, Yesu adyudyo lie masikpe. Aní aha mapa, aní atsia agapa li uo. Aní atsia aha di sungu-o pi uo. ¹⁴ A adə nani bhomə-o bhətsibhətsi na bata me Yesu koto li oməkpaata gba e, pita aní azuku lie bhú ká okpála bhende amu ko.

Yesu ayi Piele bhətsibhətsi bata me aní kənda ni uu ie

¹⁵ Pita u azə 'he-e lie, Yesu ayi Simo Piele me: «Simo, ndili gba Djaa , mə kənda ma nane maka li okpála koko inde-e akənda ma lie mane?» Piele agie pi aní me: «Hení, Ngámá, mə mbila hana me ma kənda mə.» Yesu apa pi aní me: «Kə ongisi kandələ gba ma-o.» ¹⁶ Yesu ayi matá aní bhətsibhətsi na bhisi-e me: «Simo, ndili gba Djaa, mə kənda ma uu?» Piele agie pi aní me: «Hení, Ngámá, mə mbila hana me ma kənda mə.» Yesu apa pi aní me: «Lila okandələ gba ma-o.» ¹⁷ Yesu ayi matá aní bhətsibhətsi na bata-a me: «Simo, ndili gba Djaa, mə kənda ma uu?» Piele asia likabhu li bua e. Padhá de, anga Yesu ayi aní bhətsibhətsi na bata me: «Mə kənda ma uu?» Aní atsia apa pi Yesu me: «Ngámá, mə mbila ndə 'ngú hana. Mə mbila bhadi hana me ma kənda mə!» Yesu apa pi aní me: «Kə okandələ gba ma-o.

¹⁸ A moko, ma apa pi mə na paká me, nedhinga nani mo odə lie makombi-e, mo odə agbite ekpú gba mə-o ludu mə ngamə makpe. Mo odə la di anə li bili inde mo odə akənda nanə li e-o. Engú bini, nedhinga mo okólo lie 'gbé kpála-a, mo o'éle 'kpa mə abhúlá, li kpála koko tsia gbíte 'kpú gba mə-o ludu mə ngae. Aní tsia nú di ne mə li bili inde mə kənda nanə li e de.» ¹⁹ Yesu adə apa mo-o ngəbula nasuno lele maka li Piele akpí lie, aní tsia há la di sangu pi Ebhe ko. Pipita-a, Yesu apa pi aní me: «Kpata ma!»

Piele ayi 'ngú pindji mukpata inde li Yesu adu akunda e naali-o

²⁰ Li Piele adji lie lie, ani au mukpata li Yesu adu akunda e-o, (kpála inde aseke nani 'ndji e pí mbulu Yesu, nedhinga inde u adu azu 'he lie-o, inde atsia ayi di nani Yesu me: «Ngámá, kpála bhende apú ma-o, a ko da?») ²¹ Abhomu-o, Piele au mukpata ango-o, ani atsia ayi Yesu me: «Ngámá, a la ani-e, a akólo li ani ne mangua 'ngú dho?»

²² Yesu agie pi ani me: «I du me ma nde akunda me ani du, akolo li nedhinga inde ma agó matá lie, a ko naamu 'ngú? Ngamu-o, kpata ma!» ²³ Abhomu-o, ngali atsia ayangba bhú ká omabhuka me, mukpata ango-o kpí naae de. La-a, Yesu pa nani pi Piele de me: «Ani kpí de-e de.» Engú bini, ani apa nani mangbo me: «I du me ma nde akunda me ani du akólo li nedhinga inde ma agó matá lie, a ko naamu 'ngú?» ²⁴ Mukpata ango-o ngakpokpo ongú inde-e ngae makpe. Ani aye la di bhú bhuku ngae. Ya mbila la di ndjindji me engú inde ani ngakpokpo e, a ko kukulú 'ngú. ²⁵ Yesu amene di nani ongú koko bhelé. I dú me u yé ongú ango-o bini ne bini hana-a, ma abhundja me doto libhomu de tí ne obhuku inde i de yé lie de.